

國朝詩鐸



10142

國朝詩鐸卷十二

錢塘張應昌仲甫編輯



將帥類

盪寇將軍歌

陳之遴

旌旗蔽天鼓震地盪寇將軍擁兵至大城聚哭小城走
馬前纍纍縛官吏傾儲掃境欲未充步騎四出疾若風
馬馱車輦盡金帛須臾紅粉盈軍中異時羣盜曾騷騷
指麾不若將軍豪寸苗尺榦掃立盡纖鱗細翼無一逃
詔書數下憂師老金觴翠袖方傾倒黃巾忽報東方來
將軍拔營向西討

國朝詩鐸

卷十二 將帥

戰城南

馮溥

戰城南短兵接血流沒髀氣不習盤龍刀缺矢集面目
皆裂盡光如電夙矢忠義報君恩馬革有無何足論人
拾斷羽將軍字鳶啄遺骸烈士魂日光黯兮黑雲合雨
色淒淒風颯颯舊時部曲半存亡馬嘶丹旆猶蹴蹋元
戎不動屹如山六博高歌意氣閒雙鬢醉擁封侯骨待
畫麒麟奏凱還

少年行

吳兆騫

少年便弓馬落魄無所憂自矜紫臺客愛作朱門遊曾
陪北部大都尉新事西京博陸侯三月春風滿京國待

詔期門執長戟銅駝街畔臂鷹歸金馬門前賜衣出天
書趣拜羽衣郎腰間鏤帶黃金璫鸚鵡杯傳仙液暖鷄
鶉冠插翠綵長歸來塞外驅駟馬賓御如雲曜原野落
雕都護揖車前射雉參軍候鈴下驕奢直擬徹侯家貧
賤甯憐舊遊者海東健兒浴鐵衣沙場幾度決重圍有
功不解謁權貴戰如熊虎誰知之

將軍篇

刺馬逢知也是
馬未敗時所作

董俞

城西聞礮聲城東聞礮聲殷殷復填填礮聲如雷轟乘
宛馬揚翠旗雕弧長戟百隊馳中有將軍踞坐五彩輿
珊瑚爲輿輶玳瑁爲輿扉四角綴金鈴內施紅耀甌頭
國朝詩錄

卷十二 將帥

二

上何所飾朱纓鞞鞞光陸離身上何所服天吳蹙錦貂
襜褕刺史伺候顏色縣令負弩前驅朝謁將軍門夕侍
將軍堂將軍中央坐銀燭正輝煌歌姬一百二翠袖搖
珠璫陳設擬皇宮服食效上方將軍召客客步趨趨座
中盡屏息再拜捧一卮以次上壽畢昵昵多諛辭將軍
笑謂爾曹今吾不樂何爲黃金如邱積白金如山高誅
殺足快意人命如菅茅道旁蚩蚩咸謂將軍豪嗟嗟將
軍何其豪

將軍行

爲提督馬逢
知得罪作

董俞

強非虎貪非狼臨津有小吏與之弓不能張胡爲棄所

事潛身竄邊疆投充騎都尉先驅効戎行解左吹悲

笳右擊鼓窮寇勢將遁我軍色如土明晨去之二百里

殺戮平人上功幕府解一年十夫長二年厯參戎三

年握兵符尊嚴亞王公將軍拊髀坐帳中何時金印盤

螭龍裏蹠當與南山同解將軍起甲第內列十二樓

樓下鋪瓊瑜粉黛居上頭四角夜光珠管絃間清謳捧

觴進醖酥將軍大醉喜復怒拔劍斫斷珊瑚鉤解輦

黃金募死士尺書走海島東西同日起麾下健兒能射

生彎弓夜夜南塘行解五新天子垂旒坐明堂收治支

黨無令猖狂豔妻配象奴少女發教坊將軍若盧出緹

國朝詩鐸卷十二將帥三

騎刀如霜解衣恐怖叩頭泣父子狼藉東市劬哀哉將

軍不如爲吏可以久長解六

跋扈行

魯曾煜

將軍居京雒跋扈不可當夫妻炫第宅堂寢分陰陽閭

道凌雲起連屬互相望懸之以明珠煜煜明月光黃金

如山積大萬不可量外廐汗血馬來自西戎疆其芻開

園囿採土築層岡奇獸畜麒麟珍禽養鳳皇春風一夕

吹百卉氤氳香夫爲擁身扇妻爲墮馬粧絲竹場淒清

金石紛擊撞美麗有秦宮夜夜侍玉牀生男尚公主生

女進椒房勢能毒漢主何有固與綱哀哉何大儒亦來

上壽觴。奴子逢公卿。不復迴道傍。百僚俱震懼。天子爲
迴遑。中使持黃紙。夜半圍府牆。夫妻赴東市。相顧淚浪
浪。婦女走相罵。小兒瓦礫將。回望歌舞地。惟見黃塵揚。
嗚呼空跋扈。悔不爲忠良。

殲賊行

襄勇伯明將軍亮幕府
討將軍蘭州戰勝事

蔣業晉

我出秦關歲辛丑。適遇逆回害官守。烽火傳邊結陣雲。
雷聲動地墮天狗。河州已陷蘭州危。戎馬郊原驚踐蹂。
一時飛將缺邊關。四路徵兵趨隴右。智勇傑出明將軍。
星馳羽檄西川聞。率師不待九重詔。殺賊豈以疆圻
分。是時官軍少簡練。將不知兵難轉戰。用命誰同臂。指

國朝詩錄

卷十二 將帥

四

連登壇。要識風雲變。賊寨據險山。岩巖深壕峭。壁愁猿
獠。矢石仰攻不得利。那能計日空其巢。將軍精心運籌
熟。思入夢中神亦告。聚米山川一掌收。偃旗壁壘重淵
伏。忽看天上白羽揮。地中礮火齊發機。熊羆突出紛而
馳。攻其不備勢莫支。淮陰沙囊拔地起。陶侃竹木軍中
資。周遭立寨戰守備。聚而殲旃徵刻期。將軍預儲布囊
五百得卡時卽
令盛土疊起以蔽矢石再用木萬株周圍立柵
如城從孔罅中施槍砲。賊始窘蹙刻期殲焉。我時未
遂從軍志。飽見飽聞亦快意。卽今幕府共追陪。置酒重
論前日事。被劄力戰數曹參。屏樹忘功重馮異。將軍威
望本軼倫。功臣像早圖麒麟。奮身討叛氣作慄。設伏制

勝機通神君不見李愬淮西勦莫比褻韃道上儀其人

是時相國視師

楊鬍子歌

楊軍門過春四川人

馬履泰

賊怕楊鬍子賊怕鬍子走脫趾不怕白鬍大尾羊只怕黑鬍楊難當賊正蒼黃疑未決瞥見黑鬍擲身入刀嫌太快矛太尖只使一條鐵馬鞭逢人搥人馬搥馬血肉都成囊中鮓須臾將士風湧波縱橫步騎從一騾賊忽乘高石如雨鬍子鞭已空中舉賊忽走險奔如蛇鬍子騾已橫道遮森森賊寨密排壘鬍子從外陷其內重重賊隊圍如帶鬍子從內潰其外鬍子鞭騾繞賊走吞賊

國朝詩鐸

卷十二 將帥

五

胸中已入九瞋目一叱鬍槎枵賊皆仆地爲蟲沙相傳失路曾問賊賊指間道教鬍出賊豈不怨鬍子鞭頗聞鬍子爲將賢鬍子待士如骨肉蟻大功勞無不錄拔擢眞能任鼓鞞拊循含淚吮瘡痍噫噓嘻賊中感服尙如此豈有官軍肯惜死

哈將軍歌

將軍名元生河間人雍正間總督雲貴有事苗疆克平烏蒙作歌以紀公功

錢 枝

君不見昔時哈將軍年少身佩三邊印彎弓射虎能沒羽疊石排雲忽成陣健兒身手如生猿轅門展旗三丈高瀟灑自攜諸葛扇指揮教舞赫連刀軍令如山撼不

得上馬人人思殺賊何處軍符大點兵卻逢鎮守飛傳
檄將軍一出永昌城列卒高屯驃騎營鐵衣壯士鳴刁
斗黃面花苗識姓名曉合長圍開玉帳西風捲霧秋原
曠汗馬追嘶古戍頭刀光迸落青天上疊鼓催將塞柵
平牙門擁賀軍聲壯始知魏尚守雲中一戰能成絕域
功征旆先回關索嶺捷書飛奏甘泉宮 先皇幾暇御
便殿日宴彤墀數 召見從容含笑語邊情近待聞名

爭識面內府新頒上將冠大官別賜 天厨餼

將軍回部人

命賜餼時 早令絕徼建奇勳推轂由來貴得人當時同

被千金賞更有斬王幾葉孫

韓良輔子勳

最是老臣能薦士

國朝詩錄

卷十二 將帥

六

鄂公拜手獨承 恩

將軍爲鄂文端公所舉

五十年來兵不用伏

波橫海威名重生前轉戰百蠻驚死日傳聞一軍慟成
壘高屯烏鼠雲丹青空老麒麟夢西南山勢鬱盤陀戰
迹仍畱得勝坡試向沙場尋箭鏃行人猶唱玉關歌

明將軍破賊歌

教誨擾孝感明將軍亮一鼓破之數年漢陽人誦德不衰歌以美之

黃承吉

西南殺氣何紛紛崑岡火炎玉不分黃郎之間虎口出
伊誰所賜明將軍妖氛突起雲夢澤萬姓號呼望棨戟
大別山南日欲斜將軍下馬渾無策明發宜城取次沽
暮行擊鞠朝投壺幾回申令戒休息親占庚吉宜前驅

伺者日多民日恟將軍按兵色不動僚佐硜硜數勸行
將軍傾酒如泉湧停師三日日在丁曉風吹霧天冥冥
歛然擐甲上馬去麾旄倏燦如流星倉皇發賊蒲騷日
賊口咸噤詎能走平地俄成縱獵場風毛雨血空羣醜
將軍躍馬歸漢津五千甲士遺三人平明轍躡又返二
士民驚睨疑通神訇然蒲伏向馬拜將軍威福誰不賴
不見荆襄大道邊至今骸骨相楮蓋滔滔漢水流無窮
此邦千載稱英風安能迅速掃餘孽都似將軍一戰功

張鐵槍歌

張君永祥河南淮甯人川楚教匪亂張
得把總銜棄之歸里吾師儀徵阮公撫豫効力
撫標公撫浙復從教習各營槍法公內召倬適

國朝詩錄

卷十二 將帥

七

宰儀徵從公所聘得之俾率民壯緝捕倬之出
都也公以詩贈行云梟徒頽泗來小鬪竟如戰
我昔謀增兵請者議未善倬心識之甫到官撫
軍卽飭捕巨梟蔣光斗等凡三月擒治畧盡余
所募壯士咸服君較藝皆出君下然客倬所三
載未嘗自言盧氏戰當世知君落落落罕其人
其不伐又如此竊歎當今不遇才之不遇則時之
幸也爰製序作歌贈之並慰夫

屠倬

張侯偉然八尺軀十年從軍歸荷鋤閒拋鐵槍倚牆壁
膏血漬餽腥模糊天生奇才辦殺賊張侯鐵槍無與敵
不由行伍非甲科自募鄉兵隸兵籍往年蜀楚困鋒鏑
官兵如麻只充額 廟謨清野豎四壁誰能一呼十當
百張侯領隊三百人殺賊五千清賊氛臂槍走馬氣益

振歸來帳前血浴身錄功上報不受賞要讓勳業歸官
軍儀徵中丞出撫豫此日張侯正歸去領標較射推第
一感泣平生最知遇中丞防海移瀚中材官列隊張俱
從轅門豎旗親教戰張侯使槍如掣電一軍羅拜聲動
天蛟鱷羣飛海濤濺至今海上誇鐵槍頭白軍官未曾
見張侯身如虓虎雄氣似嬰兒柔奮臂激忠義敵愾皆
同仇生不用世歸卽休區區論功壯士羞翻然就我來
眞州肝膽傾露三年雷我知張侯眞逢人說張侯邵平
瓜落西風秋烏虜張侯將白頭

哈將軍歌

將軍名元生回部人鄂少保征花苗將軍功最多有傳其軼事者作歌紀之

國朝詩鐸

卷十二

將帥

八

錢林

君不見哈將軍生長回部力萬斤戰若猛虎入羊羣官
防海子一萬賊莽莽直進雲爲黑將軍射之逃不得縛
賊擲空揮寶刀血飛青天一丈高鬪體墮地輕於毛歸
來上簿相公喜明光宮中報天子嗚呼安得選將皆
如此

大將行

周凱

古來大將皆崛起未必少年通經史用心往往合天心
不殺之殺殺乃止將兵百萬不戮人鄧禹自知昌孫子
焚香一炷誓衆軍曹彬貴與宋終始君不嗜殺臣好生

至今典冊交頌美有功不忌乃主恩爲善必報亦天理
此中一念慘與慈間在毫釐謬千里獨不見殺降不令
李廣侯坑卒終賜白起死古來大將鑒在此

贈別羅天鵬軍門

思羅

又

月牙弓錐子箭短衣匹馬身百戰至今創痕猶著面連
珠弩自來礮皆公自製軍器攻城破砦誇神妙至今軍中莫能
敵將軍精悍若飛虎短小能超百丈柱談笑不諱少年
事風塵時墮英雄淚胸中武庫自森森天生偉人付才
智論兵不假尉繚書法古能師諸葛意風霜旆節昭雄
武威奉 朝廷鎮南土恤兵路不受壺漿愛民夜不驚

國朝詩鐸

卷十二 將帥

九

桴鼓昔謁將軍來穀水百杯醉聽狂言喜今別將軍去
齊安百里走送勞金鞍欲別不別勸加餐西望玉關雲
漫漫時嗚什喀爾張格爾滋事恐有 丹詔來金鑾將軍之德民所
歡將軍之名使賊聞之心膽寒

寶山田令署中夜話

蕭 榆

海風蕭蕭吹我冷海城夜聞角聲警高燒官燭逞雄談
卻望海天心耿耿似聞昨者羽書來臺灣寇鋒猶未摧
天子爲遣羽林出將軍應把樓船開妖氛流毒無定所
未必江南竟安堵此間主客將數人不識誰能守門戶
我謂君盍建一策移兵三千駐馬跡馬跡山在崇明外海高據層

巒瞰大洋那有盧循敢深入况聞其上亦有田昔人馬
鬣猶巍然足知此本耕桑地旅穀遺蔬紛被阡屯田可
減養兵費且耕且守真長計襟吳帶越聲氣通海天自
此無兵氣君見吾見亦頗同言之幕府未敢從慮無大
將能守此卻落鮫波鯨窟中吁嗟乎海濱連綿幾亭障
高牙大纛常相望如何欲用一奇謀便道江南不出將
良由 國家太平久戢戈櫜弓罷刁斗武臣相習只恬
熙那有一人好身手君如他日長外臺乞奏 天子先
求材

黃總戎行

張維屏

國朝詩鐸

卷十二

將帥

十

萬口爭傳黃總戎廣東老將今黃忠總戎習水識水性
夜半伏水如螭龍賊船弑殺壓壓船總戎出海賊已空
羣賊畏之如天神衆軍親之如家翁蒼顏獨立心忡忡
將星墮地來悲風盡瘁死當爲鬼雄盡驅蛟鱓朝祝融
國家優渥賞有功偏裨授以專闔崇纓冠翎翠珊瑚紅
纓冠翎翠珊瑚紅嗚呼安得再見黃總戎

哀廬陽

爲江岷樵中丞作也公新甯人以孝廉得

授勅軍營浙江縣令署秀水居憂回籍會粵西寇起
士助城守敘功稱最瀏陽奸民周國思聚衆思
爲亂公勒兵掩擊傾其巢擢湖北按察使賊犯
江省公奉檄來援賊穴地蔽礮水發城頽蜂擁
欲上公力遏獲全又以巨礮擊賊遁去三年冬
授安徽巡撫馳救廬州時守兵甚單錢粟俱竭

公方禦東城缺口奸民勾賊由西門入公遂
自刎親兵三百死亡殆盡公死遠近皆氣奪

王文璋

公昔領隊趨江城旌旗色變人盡生公今秉符救淝水
金鼓聲沈公竟死虺蜥不援雀鼠空東牆礮黑西牆紅
義卒甘心生死同上天入地從我公吁嗟乎精魂往來
風復雨衆鬼啾啾作人語

楊將軍歌

名遇春陝西提督善戰賊呼爲楊鬍子平滑封男爵

柳樹芳

揮刀直入道口寨臨陣挽鬚早結隊兀然復覩鬚將軍
驚散沙蟲幾百輩將軍殺勇真無敵隴西關右曾列戟
一朝滑濟賊未平雲驟風馳電爭掣毀巢破穴不須臾

國朝詩錄

卷十一 將帥

十一

從此膽落梟與狐佐成平滑功第一將軍樹下來徐徐
立身須從忠義起此風不振羣萎靡將軍豈是大刀徐
將軍豈學鐵槍李

老兵歎

朱琦

金門已偪廈門失老兵歎息爲我說飛書兩月程期奔
我家主帥孤大恩廈門屯戍兵有萬况又鎖鑰連金門
當時烽燧眼親見主帥逃歸竟不戰獨有把總人姓名
廣額多髯氣森森自稱漳州好男子當關一呼百鬼瘡
可惜衆寡太不敵一矢洞胸腸突出轉戰轉厲刀儘折
寸禱至死罵不絕嗟哉漳州好男子安得防邊將帥盡

如此與爾同生復同死

按林把總名志

哀舟山三總戎殉節詩

辛丑倭夷犯舟山總戎王錫朋鄭國鴻葛雲飛同日

戰及詩以哀之用
陶詩詠三良韻

孔繼鑠

戰撫兩失馭外患誰實遺吁嗟大難端其來亦云微舟
山孤無援若爲地所私得失委三鎮遙策拱旌惟四山
合死力士氣無所虧碧血濺海水三忠同一歸舉世競
論議臨難覘從違武人耀國乘念之中心悲寄語大
將壇毋輕短後衣

揚將軍歌

讀楊忠武侯傳歌以紀之

孫衣言

將軍馬上揮雙刀一生殺賊紛如毛西上崑崙掃月窟

國朝詩錄

卷十二 將帥

七

東涉滄海收風濤

先皇駕馭多雄傑將軍戰功

初第一紫宸殿前披軍書往往九重喜動色爾時

楚蜀多烽煙黃巾比戶稱戈鋌方舟屢蔽漢江下吳鹽

欲斷夔門前黔陽花當尤負咀毒矢殺人血濡縷深榛

苦霧不見天豈但黃金與子午官兵食肉良可哀武陽

壯士如死灰將軍年少人未識強弓硬箭營門開回頭

叱馬躍十丈萬人隊中騰身上電光一綫轉眼無前山

但聞霹靂響平原格鬪尤如神見賊愈多能忘身錦衣

繡帽結束好營前勒馬笑不噴臂槍一呼萬人急五花

如龍追不及逐北歸來秋風腥寶刀未洗血光溼十年

戰罷沙塵清西南萬里安春耕豈獨兵威振殊俗兒呢
不敢聞姓名 國家折衝在千里欲守四方須猛士願
聞當時賊中言相戒莫遇楊鬚子今者烽火連江津攻
城殺將何紛紛廉頗李牧伊何人安得復有楊將軍

鐵槍歌贈張永祥

永祥事見前
屠倬詩注

趙函

張鐵槍名永祥得名有如王彥章彥章雖勇臣朱梁人
死留名豹留韜吁嗟不如張鐵槍鐵槍中州人能禦中
州賊賊騎來五千當之以三百盧氏一戰陣雲黑賊避
槍鋒向西折不躡中州竄巴熨軍門官以七品官鐵槍
不需銀交聲中丞得之命訓團十五五長槍攢鐵槍

國朝詩錄

卷十二

將帥

三

來時眾槍立滾雪飛花一槍急任教地上萬人呼空際
寒光裹肩胛阮公去屠侯來梟徒橫滿江淮鐵槍縛盜
如驅羊若輩無足嬰吾槍以槍頓地卻馳去羣梟撼槍
同撼樹徐徐引弓殪其魁王虔以來此獨步我與屠侯
交未識鐵槍面棄槍一哭屠侯奠丹旄前頭始相見長
身豐頤黔且髯養如木雞神氣恬威稜在骨不在貌審
審訥訥持恭謙揚州梟徒近露刃白晝殺人官不問長
槍副統更何人治以毛錐劣三寸鐵槍鐵槍爾善藏昔
何勇健今何恇阮公萬里屠侯亡嗚呼誰知張鐵槍

驍帥

王柏心

驍帥楊羅俱寂寞空聞麟閣待圖形天戈尙未清蠻塞
河鼓今誰應將星南楚萬山烽燧徧西風千里髑髏腥
高城肯作王羅家憑險何難扼洞庭

野哭

又

百粵烽煙慘三湘野哭哀徵兵半天下失計一庸才
白羽誰麾扇黃金在築臺朝廷求猛士或者向塵埃

感事

七絕錄
二首

又

任嘲呂姥與蕭孀萬馬環營劍戟光不遣賊鋒驚玉帳
蒼生何惜委豺狼

嚴城一夕盡填闡攻具梯衝若鬼神但有盤龍能突陣

國朝詩鐸

卷十二

將帥

七

肯教飛燕竟揚塵

張軍門歌

哀張殿臣軍門庚申四月
講國樑江南提督諡忠武

登壇者誰先潰奔戰死獨有張軍門軍門奮迹起羣盜
能以赤心酬主恩桂林侍御精鑿裁

軍門初爲劫盜
後詣大營降則

桂林朱伯韓
侍御寶圭之

川西老將能用才

謂向

軍門朝爲偏裨暮作帥

年少拔起當河魁張家黑幟威名壯驍賊見之魂魄喪
單騎親突萬軍中火箭橫飛接馬上力復江淮數十城
全吳不覩烽燧驚下令恤民專殺賊壺漿夾道皆歡聲
去年建策修長圍壕塹二重斷走飛檻中竄獸日夜泣
翹足可展犁巢威蒼鷹奮擊不受緹駿馬脫銜疾雷掣

闔外進退孰專決坐恨庸才制英傑
奔星去秋犯牛斗去年九月二十二夜有奔星如月犯牛斗牛斗之次主吳越
春雪寒飛三尺厚壞雲如山
宵屢營軍門裹創劒在手格鬪未已
俄喪軀雄師十萬骨亦枯
豈惟精銳飽豺吻天柱長城今則無
吁嗟乎國家羅致文武士奇才翻自綠林起
天生忠孝好男兒不令功成先戰死
白門悲風夜不止怒激江濤歎海水

黃沙行美田總戎

永稱

吳 嶷

秦關戡亂已三月防邊士卒今還家
千人之軍靜不譁四百里外來黃沙
居民夾道紛如麻攀轅臥轍將軍車
國朝詩鐸

卷十二

將師

五

將軍田公心志虛戎行辛苦不自居
大功歸秦不歸豫我兵未戰賊已除
賊除未盡民猶恐農時一失無遺種
邊防卽此尤應重三月旌旄豈虛擁
嫌也軍門久從事曾歷西南戰爭地
每聞賊去兵始來可憐兵過賊又至
豈無兵賊驟相逢獨怪居民兩爭避
身行萬里十年中此境分明尙堪記
祇道人情盡如此今日黃沙事殊異
紛紛呼佛更呼儒將軍處之心不愉
始信扶危存至性何須決勝見良圖
良圖非出人意表識才遠大古來少
取民養兵兵日驕用兵衛民民不擾
我爲翻作黃沙行如田將軍眞矯矯

權六合縣事溫北屏太守歌

馬壽齡

紙糊南京城鐵打六合縣

民間語

乍聞此語色爲變繼遇

土著人媿媿談弗倦一邑親團數萬人兩載身經數十戰晝夜巡行腰脚健賞罰無心避嫌怨僕攜篋豆愁主飢踣踞茹檐手捫飯每戰當先民互爭草鞵繫峭長衣褪戰罷向民三拱揖檢點死生振旅入生則鼓掌臨風笑死則枕股紛雨泣骸骨奉入土精魂奉入廟焚香酌酒四叩頭累爾累爾予不肖百姓感之淚泉湧道路聞之神亦竦縣無小人成衆官無卑權可重偉矣溫太守是爲仁者勇

國朝詩錄

卷十二 將帥

六

紀張殿臣總戎 國梁 近事

又

賊人出虜丹陽路張公奉令驅賊去賊畏張公如畏虎紛紛竄入太平府張公乘勝呼衆土雨驟風馳三十里賊入城外開戲場張公直抵新土牆賊聞公來走且僵入城擬作螳臂當張公大叫雜賊走城門難閉賊難守須臾度賊盡走入發號閉門斷賊首魚游釜底雞在籠萬箭千刀都在手屍成邱血成壑一將身領九百人殺盡賊兵一萬弱元戎召入親慰勞立換頭銜共談笑人勳不伐古臣風三讓承 恩慙未報

魏塘乘風亭詩

薛時雨

同治癸亥秋宮保李公遣楊少銘軍門潘琴軒劉仲良兩方伯李幼荃吳白華兩觀察率偏師攻魏塘余參其軍宮保掉小舟察形勢踰月魏塘平越三年邑人于城西長春塘築亭勒石題曰李宮保駐節處而名其亭曰乘風徵詩及余魏塘余舊治又親在戎行見聞皆確成四十韻

秉旄昔視師籌筆今畱驛堂堂李臨淮中興贊偉績雄

兵壓三吳計先清肘腋奠定吳淞江移師畧鄰邑諸將
方交驪舳舻四面集我時居幕賓謂我情形悉舊種潘
安花新草故皋檄磨盾作前驅見聞較詳核魏塘本曩
爾負嶠命久逆偏陽小而固虎牢險且逼水鄉港蕩多
假途未易襲元戎乘輕舟要害親周歷刁斗肅宵征旌
旗煥晝日營弁聞公來踊躍各三百義旅聞公來免胄

國朝詩鐸

卷十二

將帥

七

趨風疾父老聞公來香花踞道側蟻賊聞公來閉關私
惴慄攻城必奪隘指示紆籌策一鼓下風溼白牛河水
赤再捷下斜塘狂奔賊倒戟城社伏狐鼠倚此作兩翼
翦翼蔡不飛坐困甘屈膝入城未血刃網解脅從釋魏
塘遂大定四境歡聲溢商賈葺市廛臨街逐什一閭井
買耕牛墾土開阡陌生聚迄三年水火重衽席嘉禾韜
七縣此邦早安謐喘定敢忘恩巍巍朔明德節麾日以
遠去思積胸臆築亭水之湄翼然如鳥革墩因安石名
碑爲叔子勒結社報樂公憩棠懷召伯燕然只自侈鋪
張轉失實茲亭出輿情謳歌遍澤國公昔定東南公今

平西北名豈藉亭傳偏隅仰勝蹟盈盈長春塘千春水
長碧徵詩及賤子往事詳披繹惜我倦乘風久作退飛
鷁

哀一賢詩

譚獻

贈太保林文忠公

則徐

林公出閩中溟渤與懷抱畱侯如婦女富貴致身早瓊
厓氣蕭森珠澥流浩淼中有英吉利揚驅颶風矯流毒
阿夫容奇技時辰表厯宦公鎮粵憂心怒如擣鑿舟沈
侏儻縱火燔輕窕奇計出精誠豈徒尙智巧安坐制千
里威名被百草得公三四輩猾夏敢紛擾吁嗟棘上蠅
國朝詩鐸

卷十一

將帥

支

瑾瑜不自保功成竟下吏出塞乃集蓼中朝王相國尸
諫遺疏稟同時兩蓋臣悲歌向蒼昊天高雨露降歸朝
雙鬢皓無端桂林郡潢池弄兵狡卽家界金印出車奉
征討黃霸再適穎歡呼擁父老前旌粵東境渠魁檻車
轅傳聞賊中議獻章正風霜一何酷瘴癘竟相撓老臣
乞降公薨復擁之逸死勤事七十不爲夭大呼恨蜂屯不瞑志電掃浮雲下
閩闔翩翩白旗旒烽燧日夜飛從此豺狼飽

故安徽巡撫江忠烈公

忠源

烏淖江公卒東南撤藩籬公仕本異數酬知亦云奇跡
梁憤小醜廬郡環攻時悲涼許國身奔走亦以罷杖柱

閱數旬飲泣人登陴雖緩雀鼠掘誰爲膏油遺逍遙七
千人犄角空相持軍門大星隕山崩走熊羆湖公一書
生頻宮擁鼻比尊俎信折衝組練畜健兒上相樹旄節
薦之白玉墀墨經用變禮金革安敢辭挺身百戰後累
卵南昌危一斷墨翟帶共護 天王旗桓桓背嵬軍蟻
附不敢窺廬城傳巷戰散卒如雄師憶公奉手版作令
嚴且慈童年識眞卿清癯屹嶷嶷秋風鷗鴟孤何由盡
狐狸長弓忽解膠江水揚蛟螭蕭蕭伏波營執棚千帳
嬉犀甲哀國殤吳楚日以糜靈風起天末旌蓋耀江湄
旄頭不墮地雄劔安所施

國朝詩錄

卷十二 將帥

九

黑虎爺

向軍門出戰常有神光籠罩魏賊視之爲黑虎稱爲黑虎爺

莖

黑虎來來何晚提軍向一身膽桓桓虎臣今見罕帷幄
運籌操勝算誓滅此賊賊驚散鍾山山麓戰鼓撼威名
幸憚黑虎爺軍門鑄誓滅此賊四字小印

兵卒類

縣門行

錢澄之

縣門朝開官不出昨夜大盜進官屋健兒被傷公子死
衙外知更衙裏哭縱陽臨水萬餘家公然船過彈琵琶
縣上差兵親認得鳴鑼捉賊通街譁家家揭竿闌江口
船到江口誰能守弓箭在手刀在腰一夫上岸千夫走

差兵晝夜尾船行。獲之乃是蠹下兵。可憐冤煞城中人。
嚴刑至死無一聲。蠹下兵來不敢鑽。當堂揖官對官坐。
官免殺傷已有恩。明日同官赴轅門。移文調取軍前用。
臨去傳言謝官送。

老婦行

戴明說

南陽古號天中宅。歲歲兵車過邊卒。南陽止剩百人家。
家家含淚聽筆策。戍卒自領官家粟。但願噉麥不噉秣。
長吞踴躍雄如鯨。輔車纒濁盤殮失。供者佝僂噉者怒。
轟雷愁氣崩殘室。老婦長跪方致辭。當頭一擊血如漆。
所望移威加豺狼。何褻一劍及蟻蝨。軍麾整肅古來難。
國朝詩鐸 卷十二 兵卒 三
籬邊悄憶李光弼

劉漢藜捉人行見捕捉門

徵兵謠

作於崇禎庚辰年

傅惟麟

聞道羽檄下州縣。徵兵補伍資征戰。昔時只道從軍苦。
今日從軍轉宴宴。呼盧六博爭梟雉。撒地青蚨常數萬。
朝來郊射鬪便猿。中途時得客人錢。倡樓恣飲不能奈。
拔刀每欲向人前。主帥雖不給正餉。幾敢瞋目行威權。
有時聞警趨壁壘。麟麟蕭蕭何雄偉。縱使流氛高逼天。
兵將常離數百里。馬不勞我日秣芻。鞭箠威人如威奴。
一時誰敢少撓阻。割級正好獻幕府。誰家有女顏色嬌。

馬上常馱伴寶刀父母夫婿每追哭十里不見黃塵高
駐馬又復無營隊各人跨馬投關聞夜來宰卻罍上雞
天明攜去奩中黛護防城郭尤泰然棲遲啜飲相呼譁
一人稍稍不得志百于上馬揮刀鏖爭先報名挂名簿
駿馬騎嘶耀威武臨行卻囑女與妻隄防兵過爲兵虜

聽老兵話

高 暉

遠山疊秋色涼風翛翛寒殺氣凍黃雲旅顏慘不歡老
兵就我語坐石聊盤桓十三落邊土十五投三韓十六
列戎行十七侍大官十年甲不解防秋桃花灘苦戰三
十載一子沒桑乾妻死不知處母死孤墳殘中年入京
國朝詩鐸

卷十二 兵卒

五

華旣又向函關西居未煖席忽征南北蠻去年破水西
今年瀘江灣朝躓泥石裏夜宿水草間力殫倦樵採累
日多不餐沙磧不言瘁爲君數箭癡聞語未及竟惻惻
摧心肝將軍策奇勛士卒敢憚難不見凌烟閣轟起青
雲端

口號

尤 侗

世間怪事無不有旗兵白晝劫江口我登江船遭毒手
操刀嚇人攫金走不知將軍安在哉方擁高牙飲醇酒

裁兵行

沈名藻

少年何緣入兵籍弄刀彎弓有膂力一生無業又無田

仰給縣官充口食外臺開府屬文吏裁減牙兵誠是計
制軍提闔大總戎何亦芟除爪牙利每路奉裁盈千人
此中豈盡老弱身合并腹地十餘路萬有數千游手民
安鄉插里難羈束荏蒲叢叢樹林綠

槍柴行

劉青藜

樵子曰在山耕夫日在田衆兵何所事不耕不樵剽掠

城市間解 柴車輾輾來那問誰家送雙牛兩汗拽不

前未及到門車半空解 耕夫囑語柴已無多主人責

我奈何解 老兵忽大怒主人奈我何解 主人聞之

懼搖手戒勿語耕夫不解事脫手鞭一舉解 老兵瞋

國朝詩鐸 卷十二 兵卒

三

目去大聲呼其曹眼看逐隊來戟手聲噉解 排汝

門闖汝堂仆汝几案傾汝酒與漿解 見者抱頭竄闖

者色淒涼家家私相囑我柴任彼搶不見渠家耕夫笞

背主人藏入解

官兵糴

顧仲清

戊辰夏六月兵變駭楚疆 天子命將出整旅趨蕪黃

師行所過邑比戶多憂惶居民皆竄迹市肆留空房開

市民苦兵騷動安能止閉市兵苦飢何處求芻米飢兵

捉胥徒鞭笞愁欲死縣官出分解詬置隨之耳賢哉舒

城令初仕來舒城其才非百里遇事曾不驚先戒守城

卒開門入官兵汝曹飢欲食何用搜窮民縣官自有米
官兵自有錢有錢持易米交易何所嫌縣官坐堂上官
兵羅堂前出米及芻豆估價且勿譏問米何由來問豆
何所致驛積及倉儲隔夜先取備兵旣各持糧官亦起
策騎驅兵速出城毋得更生事客從隣邑來具言官兵
過縣官派民錢民懼思逃播縣官旣憤民縱兵攫百貨
窮民觸兵威榜掠肌膚破又有一隣邑亦經官兵來縣
官派民錢供應如風雷奸胥大飽腹兵去民告哀告哀
官不理訟之中丞臺作吏須能事愛民由中誠請看舒
城令賣米安兵氓

國朝詩鐸

卷十二

兵卒

五

營弁歎

郭瑞齡

字不識一丁弓須挽兩石需糧復需餉故事空名冊可
憐司農欸年年必足額鬪雞走狗樂朝夕滿堂喝雉呼
盧客訓練何曾諳紀律紀律不諳猶可言縱奸叅盜皆
兵役吁嗟乎武夫禦侮稱干城腹負恐愧將軍名
黃子雲葵誠向詩勸屯田篇見政術門

戰城南

周永銓

戰城南陣雲黑血雨迷空白日失色轉戰城東西又來
戰城北刀聲鼓聲相併力鬪體纍纍腥風四吹積骸成
莽征馬不馳將軍按部伍一半沙場屍縱有親知收白

骨白骨滿邊陲安辨誰家兄與弟耶與兒愁魂慘慘泣
陰雨鬼聲黑夜作大語生不得分主將一寸功死不得
附鄉里三尺土惟有青燐照終古

戰城南

沈德潛

戰城南苦寒月刀聲過處紅雨飛一片黃沙堆白骨戰
罷飛狐西又戰金河東今日壯士死他日將軍功軍中
夜宴擗鼉鼓錦帳妖姬對歌舞殘兵僵臥風雪中鬼馬
相隨鬼妾語鬼妾語鬼馬號雄雞剪夢天不高羽書曉
過陰山麓十萬勦讎作人哭

京軍謠

秦朝鈞

國朝詩錄

卷十二

兵卒

詩

使君城東來幃帷露猶溼京軍三五輩瞋目當衢立使
君從騎危如猴京軍有馬肥如牛猶云馬劣不肯騎怒
氣勃勃形赳赳大呼問官豈此州胡不下車與我謀嗚
呼國家養爾百年恩已極咆哮勇氣且斂戢長弓硬箭
去殺賊

病兵吟

楊揆

道旁逢老兵顏色殊慘淒路長官馬力苦疲徒步牽馬
行踣踣破帽不蓋頭敝裘不掩脛斜風倒吹雪滿領欲
訴艱辛語還哽自言十五二十時滇南蜀北屢出師長
年未及脫兵籍點行復遣征烏斯朝不得食荷戈拓戟

暮不得息踐更行汲天寒行汲山復深十步九折傷人
心徘徊躑躅不能去但恐烏鳶啄肉來相尋忽逢官騎
一何怒噴汝灰頰更箠楚令嚴何敢與齟齬但聞垂首
背人語此輩當年本同伍

回兵行

趙懷玉

回兵氣揚不成隊醉望青天眠馬背軍官亦念成功難
縱有驕恣都從寬賊屍狼藉填巖谷剖膽收之療人目
漫言一膽直多金猶有榆皮拄飢腹誰無父母爭提攜
兒女被驅如犬雞寄語回兵休再違偶爾生還亦天幸

新乞兒

詹應甲

國朝詩錄

卷十二

兵卒

五

荆南道旁新乞兒吞聲嗚咽前致詞自言舊籍長沙卒
二十從軍少壯時當年瀘水煙塵沸花苗蠢動犁鋤棄
身雖卑賤筋骨強得到戰場方快意戰場賊來同亂鴉
爭先截殺如芟麻大小百戰那知死刀缺矢窮心不諱
忽逢飛鏃傷一目再爲礮石斷一足目傷足斷氣未銷
馬上猶能奮馳逐大軍奏捷班戎行幕府點名重過堂
完膚壯丁皆選入老弱殘廢難充當令嚴法正不得語
繳還甲仗出軍伍足傷非馬行不前何以爲農與爲賈
蹙投古廟炊寒煙賣刀已鈍難質錢鄉邑無家歸不得
營門舊侶誰相憐途窮無計學求乞一餅一糜度終日

髀肉作瘡力漸微
夜聽鬪鼓呼伴急
賤卒雖死何足哀
同征將校書麟臺

募鄉兵

史善長

朝募兵夜募兵
府帖火急無畱停
排門比戶抽強丁
丁百錢米一升官爲支給
以日程宜施卹介山崢嶸下
游黃漢上襄荊水陸攔截繁
於星要使曠野皆堅城
摧埋惡少多竄名磨刀霍霍喧相爭
十里五里險隘憑殺
人爲功官所令手毒漸覺軀命輕
肉肥肉大羅羶腥飽
食且贍妻兒生一賊不獲官不刑
有時斬馘羣矜能告
身百道飛如蠅羊頭狗尾影長纓
一笑目已無公卿
昨國朝詩鐸

卷十二

兵卒

三

者大將方南征
瓜期未代烽煙橫
借力終恐違師貞
何當彎弧射欃槍
銷甲散伍還歸耕

征婦怨

孫源湘

荷鋤被驅去
荷戈虎符下
調征交河經年不覩雲中雁
夜夜空聞惡夢多
朝來慘報全軍沒
寸骨不歸歸辮髮
結髮恩深剪紙幡
葬君遺髮招君魂
魂兮莫怨沙場死
戰死沙場尠餘罪
東家阿父死官糧
官府下鄉械妻子

蘭山行

陸元文

蘭山城中聞點兵
點兵三日不得行
耶孃別兒夫別婦
一城無聲聞哭聲
飄然破褐途窮士
眼見旌旗向東指

兩人共一騎十人共一車承平不知事兵革駿馬換牛
刀換鋤半夜飛符催火速報道山東噪青幘幕府森嚴
張令甲點兵不前有軍法耶孃褻牽婦帶拖雖有軍法
可奈何將軍昨傳言士卒爾勿喧不必殺賊但防賊此
去保汝骨月至四更營前響筆策五更涼風起酸瑟金
鼓隱隱烟塵昏幕烏高叫紅日出君不見羽書笏午調
兵守兵到城空賊早走

石麻子

石麻子橫行錢唐江上以踞奪沙洲爲生
活劉中丞誦珂當破格用人之際宥其已
往轉加恩禮乃感奮嘯聚數千人
爲一江捍衛勇敢之氣較勝官兵陳春曉

石麻子橫行江上名聞爾虎踞沙洲莫敢指一呼草澤

國朝詩錄

卷十二

兵卒

七

羣兒起綠林豪客曾驅使隔江咫尺烽煙驚中丞焦灼
籌專征破除成見善將兵不馴之輩馭以誠使貪使詐
無不可一朝激勸義勇生軍門許長揖破格恩禮及問
爾何所能號召羣雄集不用甲兵與刀戟歛鋤錘鑄鋒
堪接相撞相擊一當十中丞用汝嘉賚賞羣兒誇功成
當爲奏天子先已薰沐頭銜加石麻子爾知否中丞
待爾恩深水一江願爾同仇倚賊來不盡殺不止莫似
官兵輒怕死不怕死石麻子

官兵行

又

楚兵前蜀兵後官兵之來本爲民民畏官兵甚於寇役

民之力鞭箠加擾民之食街衢走豈徒排闥逞黃昏更
敢持刀騎白晝官兵官兵爾誠強昨夜將軍下沙場爾
果效命慙戎行定當一鼓殲貪狼用張殺伐武維揚乃
聞礮火轟天起巨寇猶違數十里魂飛棄甲爭渡河紛
紛可掬舟中指官兵官兵太不仁不能殺賊祇殺民逃
卒軍中罪固赦官不汝殺賊乃汝汝身自今願爾咸安
馴誓掃東南海上塵永銷金甲同樂春臺春

大兵調浙挾婦女來長官訊得據掠罪狀誅數十
人婦女給貲送還鄉長歌紀之 又

捷書三楚方馳報吳中殘虜猶羣嘯烽火無端犯浙西

國朝詩鐸

卷十二 兵卒

七

頻年防堵真堪笑餉費邱山萬萬錢窮檐爨突苦無煙
猶道籌防兵未足東西徵調羽書連木蘭自昔從戎異
兜鍪巾幗今兒戲雄兔紛馳雌兔隨沿街咄咄羣言沸
別有桃花馬上孃羅裙血色豔紅妝共說將軍新眷屬
營中寵異帳中藏彼姝痛與耶孃決白刃叢中唬不得
薄命隨鴉已可憐傷心伴虎從誰說到此思尋一死難
何時始解三生劫刁斗無聲夜未央鼠貓那管兵符急
火速元戎催進兵大江昨夜雨如傾蛟鼉怒吼波濤立
舳艫銜尾渡頭橫榜人且勸將軍止公無渡河憂變喜
此間之樂不可支少住爲佳聊復爾縣官日日事供帳

大酒肥羊索無已，廝卒橫行白日驕。黃昏排闥驚人起。

天公悔禍忽放晴，將軍無奈挂帆行。行行已過桐江驛。

七里瀧中山水碧，森嚴如入亞夫營。長官執法惟威明。

段廉訪光清落落大旗鳴鼓角，點兵令下軍門肅。但聞蓬首

送夫征。夫征那許同行役，長官怒目張問女。來何方舍

悲訴長官泣下淚，千行自言本是良家子。昨年被虜離

鄉里，地棘天荆行路難。殘軀豈意今來此，長官聞言益

慘傷。莫怪軍中氣不揚，雄狐就縛殺無赦。列隊前驅遂

啟行，提來悍卒骷髏血。脫卻羣娃豹虎穴，送女迢迢返

故山。驚魂一縷竟生還，吁嗟乎將軍失律身。旋喪女兒

國朝詩鐸 卷十二 兵卒 五

落劫猶無恙，長官氏段恩難忘。

鄉勇叛

又

鄉勇叛鄉勇，叛爾本鄉里。無賴逞驍悍，國家設兵焉。

用汝世際昇平不尚武，老羸按籍聊充補。虛名烏有更

難數，羽書匆匆馳縱橫。風聲鶴唳一軍驚，兵不足恃募

鄉勇。一鄉簡練爲干城，教之技擊先騰踊。教之守禦無

騷動，寇來捍衛要同心。寇去追奔須接踵，官兵見之顏

色低。相形步伐誠止齊，豈知此輩桀驁性。氣矜自雄忘

禁令，酒樓嫖罵只尋常。屠門攫肉幾亡命，市上成羣旣

可憂。賊來反眼轉與官民讎，君不見武昌形勝金陵固。

百雉城南入雲霧鄉勇果能堅禦侮小醜何難殲一鼓
只因負弩導之先重門洞開揖強虜百萬人家一炬空
翻向渠魁願效忠某家某谷埋金富某氏某倉積穀豐
狂寇聞之怒變喜大索橫搜遂無已吁嗟乎鄉勇之設
爲保民那知殃民至於此縉紳冠冢我請君聽我歌羣
公用意亦良厚豢養不繼將如何櫓槍昨夜芒刺滅寰
宇清平將止戈每日青銅三百計此輩虛糜已成例聚
之容易散之難寒冬衣食誰爲濟起而爲盜羣稱雄里
門桴鼓鳴蓼蓼欲盡擒之法亦窮吁嗟乎鼠子跳梁不
足患患莫患於鄉勇叛

國朝詩鐸

卷十二

兵卒

三

逃兵行

癸丑金陵事

又

兵去問兵從何去橫戈入市殊驕倨兵來問兵從何來
棄甲沿途亦可哀 國家養兵兵不用承平日久咸嬉
弄醉飽街衢半執冰老羸糜餉堪深痛昨宵火急軍符
驚夜半傳呼要點兵點兵令下登程速耶孃相送牽衣
哭欲前且卻覿行行行未與虎狼迎望風膽落銜而走
兜鍪拋棄盈江城軍法逃兵罪應死軍門執法何太
弛誅之其奈不勝誅士卒無良已如此君不見開府巍
峩號范韓三江作督衙桓桓胸無兵甲辱高位况值時
艱報稱難小姑山屹中流立天然地險真奇絕一夫當

關萬夫折。大旗日落屯營密。將軍據此可殺賊。功成堪
與燕然勒。奈何更比逃兵劣。驀報戈船下鄂州。不思破
敵急迴舟。風利連霄轉石頭。賊亦從之。江水流石頭。城
本金湯固。崇墉百雉難飛渡。但使將軍保障嚴。健兒用
命衆志堅。任他狂寇滔天勢。六代江山克保全。可歎將
軍倏爾不知處。甲士踉蹌散如雨。重門洞開誰爲主。長
驅直入莫敢侮。殺人如草無完土。士女何辜屬強虜。噫
吁嘻。官歟兵歟。等是受恩人。戰陳原當各致身。逃兵無
赦法。始伸罪首先誅臣不臣。

兵莫來

又

國朝詩鐸

卷十二

兵卒

三

兵莫來。兵莫來。無兵吾民能自守。兵來吾民驚且走。兵
不殺賊專殺民。助寇殺民太不仁。橫行邨落衆怒曠義
旗號。召千萬人殺兵殺賊。民氣伸先除兵患。後除賊兵
旣被殺賊孤立。國家設兵。兵本重百年養之一日用
承平日久。訓練疎。罪有攸歸。任驕縱民敢殺兵。民無良
民不殺兵。民先亡。兵民相殺。殊慘傷我。欲告大府勿輕
舉牙璋。東調西遣。徒徬徨曷勿使民自爲兵。各自強家
出了男戶出糧。比閭族黨皆金湯。

寶山田若谷明府

鈞

團練鄉勇詩

蕭

掄

田侯來治吳淞口。團練民間捉生手。只分清俸作殮錢。

不費官家糧一斗官家養兵百餘年太平無事只晏眠
一朝盜賊起滄海遷延不敢乘樓船往年賊入內洋裏
驟聲夜撼吳淞市將軍擁麾走入城健兒彎弓不發矢
侯乃慨然議募兵招集丁壯二百人只愁白徒不習戰
勇怯相半難從征我爲賢侯呈一策海濱鹽徒數千百
一船狎浪如飛鳧慣弄弓刀劍矛戟此輩捕急卽跳梁
不如收之用所長質其妻子縱擊賊重懸賞格嚴逃亡
必能冒險出死力不憂道覆還披猖况收驍健歸伍籍
此法可以清海疆海疆遼廓皆我土欲翦鯨鯢賴貔虎
由來召募惡少年以賊攻賊法原古有人笑我不解事
國朝詩錄

卷十二

兵卒

三

白面談兵竟何補如今幕府守文法且喜江南尙安堵
嗚呼但願終久長安堵

卡兵來

陳偕燦

卡兵來居民哀卡官如虎兵如豺餓虎一嘯黑風起貪
豺四出逞牙齒窮檐斷炊烟不舉典得破衫販鹽去肩
挑背負汗血濺性命換取數貫錢明知密網踏不得可
憐不肯作盜賊卡兵荷戟忽偵至飯顆米珠一齊棄隻
身逃竄不敢歸入口望斷空嗷飢嗟爾卡兵忍爲此同
儕聚語交裂皆如此有生不如死犯法得死凍餒亦不
生死且不畏豈畏爾卡兵

河北民

姚東之

前邨紛紛呼賊急後邨攘攘呼賊入天地黷慘日無光
千門萬戶皆環泣老者難逃壯者匿賊入邨門呼酒食
大鍋煮牛羊先攜婦人次女郎從我爲賊富貴長老翁
低頭心慘絕欲語不語舌本結賊醉大呼刀亂切白頭
半染刀頭血邨空賊去壯者歸青燐白骨神魂飛道路
歡傳官軍下羅拜馬前獻燔炙不虞官軍復抄掠嗶嘰
勢比賊軍虐賊所不死官軍攫驅我老弱轉溝壑攜我
妻孥恣宴樂里老吞聲不敢云但嗟不遇楊將軍嗚呼
將軍奚我後使我無兒又無婦

國朝詩鐸

卷十二

兵卒

三

柘泉老婦行

王正誼

柘泉老婦七十七手扶竹杖身戰慄眼昏不識賊與兵
認賊爲兵向賊泣昨日一炬無屋廬鞭箠兒子殘肌膚
可憐少婦年十九被驅猶抱懷中雛老婦能存亦風燭
三日不食裙無幅斷肢枯骨溝渠填終爲螻蟻口中食
賊聞此語亦惻惻引向曲巷曲處匿與衣一襲米一升
戒勿言動且偷息未幾賊去兵復來收拾餘燼聲如雷
褫衣奪米復遭殺游魂飛作青燐灰

兵船行

黃燮清

紅旗高捲金鼓鳴大船小船縱橫行縣官羊酒來犒兵

縣官出城兵入城曠目露刀輕死生承平罕見見者驚
街市聞寂門晝扃行船瑟縮僻港停兵來促船誰敢爭
兵來捉船慎勿爭君不聞東浙傳烽火追明日官兵
要殺賊

從軍行

沈亮

黃河風蕭蕭日落笳鼓急征夫行負戈天寒慘無色嗟
爾太平久戰鬪未爛習平時隸行伍聊博升斗食主將
當治安教練苦不力一旦黃巾來防虞此何及府帖傳
點兵吞聲去鄉國明知赴一死且復念家室瘦妻身伶
俜門戶誰與立長男亦從軍幼男纔及膝遙憐抱母懷

國朝詩鐸

卷十二

兵卒

五

索乳夜號泣生未識耶面何處收吾骨念此心爲酸忍
淚時一滴黃雲壓旌旗邊關正風雪元戎不知寒按劍
驅士卒冒冷且向前驚颺卷沙石軀命尙不保遑恤凍
膚裂登高望關山霜月故鄉白人生遭亂離親愛成永
訣道逢舊相知下馬語嗚咽附書寄家人歸來有魂魄

殘兵行

辛丑定海之敗

夏之盛

主將昨戰死殘兵餘無幾東身歸法至省垣仁矣中丞
能恤士此兵桓桓隸壽春十停存一創滿身憩爾蕭寺
瞻爾食寶刀浴血猶蝨螭爲言主將誓死鬪轉戰三日
大殲寇海外孤城救援無敵卵飛紅貫胸脰又况奸夷

財誘眾衆不殺敵爲敵用異心反噬出同袍倒戈一室
爭相鬪吁嗟乎有功不賞罪必罰死敵何堪更死法。九
死惟餘報 國心淚灑翁洲且坐甲

西安兵

又

西安兵狀桓桓雄風如見歌北園手持矛戟腰橫卷詰
朝相遇城南門門者向兵語君行定立勳兵言立勳何
敢羨但願將軍早決戰不然雨雪死他鄉銳氣全摧功
不見我聞兵語增悲壯志切同仇威孰抗莫教久成老
軍心清人逍遙潰河上

王柏心捉船行見捉船門

國朝詩錄

卷十二

兵卒

三

殘兵行

和松如
主人

閩
媛楊素書

殘兵來籍壽春平生勇武超羣倫城關欲入還逡巡昨
者主將赴敵死殺傷大半餘無幾飢火燒腸創滿身血
漬銅刀裏懷裏爾敗曷不還故土軍籍雖存散行伍爾
勇曷不投大營薄功不賞罰肯輕中丞憐爾招攜爾給
爾衣食按爾名吁嗟乎勝亦莫驕矜敗亦莫悽惻畱此
殘軀誓報國枕戈他日厲同仇毅魄有靈當殺賊

奸兵行

和松如
主人

又

夜燈燦布帳屯萬松嶺上兵如雲誰家女兒豔絕倫夜
深人靜兵叩門入門逞暴厲女怒剖兵臂明晨指創泣

縱焚掠鑼聲一震遠近知民團在前兵勇後後勁不繼
前茅危賊氛如山民氣餒彼衆我寡安能支壯丁戰死
老弱哭身家塗炭骨月糜一鄉旣敗四鄉懼強顏事賊
無不爲吁嗟民團衣械皆不充所恃兵勇當其鋒民團
攻守皆不習所賴兵勇助其力兵有餉兮勇有糧兵勇
何樂民何殃官民兵勇不一氣安能實效收疆場斯民
有難不能救忍以干戈廢耕耨前邨賊去墟里空兵勇
紛紛與民鬪

將帥補

贈吳將軍

名士勝從威信公征金川三戰皆捷金川奪氣將軍請往降之袍而騎酋長橫

國朝詩鐸

卷十二

兵卒

五

刀來迎將軍徑入虜帳笑日暮矣索枕臥鼻胸
胸甚酣且召諸酋責以大義曉之諸酋齡禁不
得語乃推牛行炙蠻無雜進定約請大軍降凱
旋大子召見勞以酒擢總兵癸酉挂冠歸西
川余相見於秦
淮聽述前事

袁枚

金川誰築受降城單騎從容自請行潑水刀光迎上客
吹燈虎穴聽鼙聲捧盤香火朝勢耳傳箭江山夜罷兵
椎盡肥牛三百隻歸來殘月在西營

閃閃紅旗海色開妖星半夜掃龍堆闔門泥首張嬰出
滿耳夷歌朱輔來猿矢長韜還武庫金瘡不裹上雲臺
男兒此處難消受天子親斟酒一杯

北庭都護行

承恩公將軍至林資兼文武忠勇絕倫出爲北庭都護蕃回畏懷期年移

烏里雅蘇臺將軍余抵戍時已啟 蔣業晉
行未見也知其政思其人而作

南山有竹直不扶括羽鏃礪懷以須渥洼之馬龍爲徒
星精下降天闊儲人物絕類稟自殊濟時英傑生非虛
惟公大將行則儒忠信甲冑體用俱往者滇海申天誅
急槍怒馬千人呼譬若獨鸚推羣鳥 一人知已無雙
譽遠移節鉞天山隅輪臺四野黃雲徂長風捲沙雪片
粗蕃羗射生飲酪酥每惜游牧窺邊虞秋獮冬狩軍政
符六鈞弓注金僕姑壯士一一勇賈餘圍場霹靂聲連
珠羣番驚竄如颯颯烽臺焰絕鼓不桴經營荒漠垂久
圖耕屯悉力勞征輸南接高昌北伊吾糗糧車乘隨時
國朝詩鐸 卷十二 將帥補

庚

需遠近徵調難牽拘斟酌多寡善因除公之叱咤風雲
驅公之平易陽和舒一規定遠籌邊謨期年化洽軍民
蘇龍城清霽伴 皇都我來遠戍同集枯瞻望弗及空
歛獻玉門關外柳色鋪長城之倚廣厦居星雲垂象昭
天衢文武爲憲詞非腴北庭都護如公無吁嗟乎北庭
都護如公無

王將軍拔柵歌

趙翼

王將軍眞丈夫從征緬甸常前驅千七百里到宋賽地名
賊柵十六虎負岬我槍及柵不及賊賊柵出槍偏著軀
相持三日未得便饑鷹側腦需覆雞元戎下令攻肉薄

萬衆牆排尙前卻將軍是時心膽堅挺身突出爲衆先
我不殺賊賊殺我直騰而上呼震天一人獨前萬人恥
多少健兒總拚死接踵入柵捷若風貪殺不遑割左耳
但見片片霜刀飛頃刻染成血花紫羣蠻有刀不及交
鈍者被砍黠者逃乘勢遂克賊柵四其餘悉遁惟空巢
是時元戎親督戰目覩先登識其面呼來帳下問姓名
飛章亟奏南薰殿天子非常賜顏色小校超遷十
二級擢官遊擊階將軍孔雀修翎長一尺三軍聞之懽
如雷誰不橫戈思殲賊我聞建德擊世雄乘霧升寨稱
奇功又聞隋破高麗日有肉飛仙擲自空罕之摩雲百
國朝詩鐸

卷十二

將帥補

三

折上開平采石一躍衝如君矯捷好身手古亦不多今
豈有君言非不畏戈鋌朝廷公道軀甘捐不見古來
多浪死沙場白骨誰爲憐

羅將軍燒賊歌

名思舉蜀人少無賴嘉慶初川陝
不靖賊據山險爲營屢攻不克軍

中募健兒能破賊者公應募夜獨
往燒其營寨賊驚潰累官至提督吳振械

蠻雲蝕月萬帳黑將軍大醉夜燒賊火勢逐風風怒號
電旗葉開光更高摧枯拉朽頃刻耳草間狐兔安能逃
將軍大笑萬骨仆單騎歸營刀不污噫吁嘻以膽狎賊
賊膽驚將軍不死賊不生後來威名到草木小兒夜怖
無啼聲十年罷戰收干櫓蛇虎繁霜無疾苦雕青惡少

賣刀來山上新畬舊焦土

兵卒補

征夫苦

徐 晚

征夫苦征夫苦半載新婚別如雨爾腹有胚胎未辨男
與女生男莫作行伍人生女慎莫嫁行伍行伍紛紛出
邊關彎弓盤馬幾生還將軍得立邊功日壯士白骨高
於山今日生離卽死別我勉王事爾苦節他日翦紙招
我魂陰雨啾啾來蹙蹙吁嗟哉屍不同埋魂同穴爾營
空塚先標碣曠日流光心似鐵

瀘州開滇黔官兵過境

姚 椿

國朝詩錄

卷十二

兵卒補

四

城中擾攘雞犬呼城外慘澹人煙無官行索吏吏走匿
市兒大號兵過途兵來滇黔亦非遠一身無功意驕蹇
前驅供頓聲勢張役夫嗷嗷日將晚欲來不來行遲延
口索夫馬意索錢倉卒使爾悞軍限高貲急納充腰纏
可憐縣官受嗔責吾爲爾民來殺賊此曹平時性命輕
身到疆場反愛惜蜀道當關重一夫頻年征調困軍租
卻思丞相天威遠六月炎蒸此渡瀘

辦團練

薛時雨

大坊設百人小坊設五十有不從者予以罰罰令捐金
充此額解何爲爲團老弱癯殘何爲爲練斬木揭竿

團不足游手續練不精點花名解三團練既成乃

往前營按冊計賞逐隊隨行棘門灑上兒戲兵解四團

練在局不在官脅官以陵民官不操其權局中日日斂

捐錢解五團練協民蹙額團練撤民動色私囊肥公貲

竭燿煌保衛局酒肉豢饕餮可憐無數民膏血解六

募鄉勇

又

鄉有莠民邑有游民一聞召募勇以名十日已滿三百

人解一有牌在腰有刀在手鄉民見之嘻且走解二形

赴赴勢洶洶不願殺賊建功但願常此虎視一鄉中解三

馭民有官馭軍有將惟勇獨橫恣其所向解四囊中

國朝詩鐸 卷十二 兵卒補

單

日領青銅錢歌樓酒肆常流連有求不應揮老拳解五

探馬來賊還歸鄉兵散練局裁萬家歌頌心顏開嗟哉

旱魃重為災解六

又補

鄉勇歌

許 捐

琳宮朝闢洵奔濤十五五來滔滔敝衣短後舉趾高

爭前自贊稱人豪誰其主者似尉曹去留甲乙三寸操

誰其佐者似俊髦袖中各各藏名條榮石超距且勿勞

折箠不用腰弓刀上官符檄紛蝟毛義取壯觀誰敢嘲

大書勇字竿摩霄老翁七十項有條小兒十二髮垂髻

間以少壯形如猱白日市井恣遊遨寇來一晌從遁逃
未來且令司長宵使人猶應勝使髮老僧不眠坐虛寮
圓蒲側耳燈頻挑初更鉦析何厖囂二更斷續聲不調
三更四更久寂寥五更膈膊鄰雞號余當時嘗語客曰
君知鄉勇中有如
岳小將軍本領者乎客曰安得有此人余
曰然則何以十二歲便令充勇客爲憮然

糧勇歎

又

山東健兒好身手探丸赤白無不有竄名糧艘爲萑苻
夜出椎埋日使酒一從轉漕遼海通此輩棄置安能窮
縣官無錢遣歸土負嶠久踞長安東忽聞尺籍點鄉勇
走觀失笑眞蟻矇大聲呼洶牆壁動願得舖糟同一鬪
國朝詩鐸

卷十二

兵卒補

望

官簽鄉勇本節觀豈知寇生肘腋間姑如其請麾使出
喜氣悍色交眉端寶刀凝血夜久嘯昔藏衣底今出鞘
霹靂在手火樹耀辟人昏黑先以礮行者驚恐居者弔
就中旗丁竊相告常時吾屬慮鼓譟得緩須與策亦妙
放虎自衛且勿誚

兵卒又補

官兵行

孫鼎臣

北風蕭蕭腥滿衢廣州城中人跡無家家閉戶如逃遁
官兵橫行來叫呼官兵殺人食人肉挺刃莫敢相枝梧
短領窄袖大布襦三三五五徧里閭宰割雞犬牛羊猪
突入酒肆懸雙弧搜索益益及罌孟飲食醉飽惟所須
八十老翁泣路隅去年夷人到番禺十家五家被賊俘
今年官兵望討賊賊未及討民被屠彼賊殺人兵得誅
官兵殺人胡爲乎黃昏吹角聲嗚嗚轆門半掩人吏疎
雙雙銀燭紅氍毹大將夜坐治軍書老翁欲歸無室廬
國朝詩錄 卷十二 兵卒又補 望
夜半卻立長歎獻

風蕭蕭 腥滿衢 廣州城中 人跡無 家家閉戶 如逃遁
官兵橫行 來叫呼 官兵殺人 食人肉 挺刃莫敢 相枝梧
短領窄袖 大布襦 三三五五 徧里閭 宰割雞犬 牛羊猪
突入酒肆 懸雙弧 搜索益益 及罌孟 飲食醉飽 惟所須
八十老翁 泣路隅 去年夷人 到番禺 十家五家 被賊俘
今年官兵 望討賊 賊未及討 民被屠 彼賊殺人 兵得誅
官兵殺人 胡爲乎 黃昏吹角 聲嗚嗚 轆門半 掩人吏 疎
雙雙銀燭 紅氍毹 大將夜坐 治軍書 老翁欲歸 無室廬

夜半又補

孫鼎臣

將帥又補

贈楊將軍

皇

袁枚

作虎須成斑不戰難名將國家承平百餘年陵霄有閣
無入上楊公儒者今韋臯起家西蜀征南苗橫披囊五
三千甲斫折孤延十五刀金川碣樓與天接鳥飛不上
猿猴絕將軍目作蒼鷹視鵬身直上疾如矢一甄兩甄
鼓不止雲梯隊隊銜其尾三軍齊唱肉飛仙半夜崑崙
關奪矣當空礮石雲雷奔將軍見敵不見身偶中金創
色愈怒殺賊遙看紅一路提書馳報甘泉宮 玉旨傳
宣賞戰功諸將喧爭公獨暇閉口無聲大樹下於今專
國朝詩鐸

卷十二

將帥又補

墨

聞來江南雅歌投壺斜插簪平生塵極臯蘭事酒罷微
聞說二三梅花開時山月明手彈瑤琴招我聽瀟湘雲
水清商老彷彿沙場金鼓聲

李將軍歌

忠毅公勦海賊
蔡牽戰歿事

宋湘

入海斬蛟登山射虎壯士出門寸心報 主生也臣不
敢知死也臣不敢辭臣知殺賊而已焉知生歸死歸汝
賊蔡牽汝何么麼海水四晏無風鼓波汝賊蔡牽汝何
瘦狗狷狷血人千里牙口汝賊蔡牽我來將軍將軍飛
來汝聞不聞汝賊蔡牽汝何不花上天入地將軍殺我
汝賊蔡牽汝何不弓出日八月將軍如風汝賊蔡牽汝

何不死罪大海小將軍守此迷迷離離將軍之旗歌歌
舞舞將軍之鼓將軍曰刀蒼天晝高將軍曰矢怒潮夜
死吁嗟乎臣不滅賊臣甘死賊臣且滅賊臣竟死賊海
水無情天風盡墨臣北面稽首謝 天子聖德 天子
無悼臣臣死臣之職大海蕩蕩天所圍雲車風馬神靈
來上帝許我梟厥魁明年蔡牽死戰士休徘徊龍宮開
靈風回

國朝詩錄

卷十二

將帥又補

靈

國朝詩鐸卷十三

錢唐張應昌仲甫選輯

軍餉

撥餉歌

任 璿

上世兵民合中古兵民分荷鋤與負戈傷哉兩苦辛幸
 際昇平世勿忘征戍人萬里山川道星羅而雲屯可使
 庚癸呼殷憂動至尊足食屨先事 特詔司農臣乘茲
 歲之暮持籌計來春或需百畝稅或頒左藏銀飽騰遍
 滇黔轉輸先晉秦燎然如觀火千百次第陳余也佐版
 部國計蚤相詢恐學官禮誤羞稱桑孔言度支有成例
 國朝詩鐸 卷十三 軍餉 一

武備豈具文。寄語沿疆卒莫負百年 恩。

屯政初就發刮耳崖作

查 禮

粵稽屯營兼古制營田者民屯者騎且耕且戍以代糧

充國會聞省大費術由經濟學誰傳本原悉具晁錯議

屯田始於晁錯趙充國罷騎兵以省大費渭濱許下淮與襄武侯屯田於渭濱任峻屯田於

許下鄧艾屯田於淮南羊祜屯田於襄陽闕土未出中原地宋熙豐間役邊

州兵民並得同趨利丁夫調遣雜咸平功實難成廢則

易營州獨數唐慶禮慶禮請於營州開屯八千餘所招

沒繁宋代惟有范公比文正大興朝中土旣寢繁太

平日久無荒棄遐荒絕域入版圖雪山今亦邀撫涖降

蠻賣馬以買牛戍卒拋戈執農器依山傍水結田廬雞
鳴犬吠聞次第我來自春去及秋新舊風光頓覺異教
養還須俟後來刮耳崖邊詩作記

轉饜行

張雲璈

轉饜復轉饜山高水滌滌轉饜復轉饜馬瘠僕痛我
鞅掌十萬之鞘二百人長途絡繹來踈踈王事孔亟
毋遂巡筮汝訾汝汝莫嗔過縣換夫索夫價長官對之
生怒罵爲道途衝官又貧應接須知日不暇郵亭一宿
殊草草隨例盤殮不能飽有時驅之入民舍茅屋荒涼
雜備保蚤起喚夫夫一無縣堂打鼓催雇夫司閹醉醒

國朝詩鐸

卷十三

軍餉

二

不知晏自朝日中還及晡天寒日短行不到昏夜彳亍
荒山隅大地黑無一星火束縑直比千金壺前鞘後鞘
不相及雖有嚴責其誰辜皇天著意困行旅滕六葛三
肆狂舞兼旬雪沍三尺深又降淋浪十日雨羊車沒輪
馬沒腹輿夫欲前難駐足荒荒曠野有戒心冒險仍從
路旁宿倦不能寢饑不能餐北風勢面生嚴寒一身以
外遑敢顧但保我鞘亦無苦吁嗟乎從來立法本自良
護持煌煌令甲張兵丁二十役二十衛而出境無恇勤
如手護頭臂使指縱有不虞何庸防卽今名實全不副
更無一卒來趨躄惟賴孱奴六七輩當車未免啜螳螂

若非 朝廷有威福公餽之覆將何償君不見昔年失
鞞樅陽東去年失鞞在宿松回首往事使心悸我欲投
書文武吏

吳俊轉粟謠見力役門

運糧謠

楊天揆

兵行何速糧行何遲吁嗟糧行曷敢遲試聽役夫前致
辭有山不能牽車有水不能泛舟一夫負五斗晝夜往
復無停留艱哉巍巍山路塊北愁霖匝月不肯晴曳踵
齊呼泥滑滑道逢官騎絡繹來軍符火急行相催但聞
將軍令敢惜役夫命長途喘吁力已疲視其後者從鞭
國朝詩錄 卷十三 軍餉 三
之可憐有生同愛惜甯作征人死鋒鏑莫作糧夫死驅
迫

糧行速士氣銳糧行遲夫力憊糧行遲速須有時前軍
所到糧宜隨崇墉露積懼紅朽升斗不繼愁朝炊官來
唱籌日無暇絜橐攜囊滿平野軍中不識轉運艱索米
有餘還飼馬役夫躑躅涕泗零銜悲欲語仍吞聲官兵
十日可以不殺賊不能一日不再食但願官兵殺賊多
役夫甯敢辭奔波

軍器

鬼子劍

張淦

鬼子之白白如雪。鬼子之黑黑如漆。對客含笑。雙眼碧
腰間插劍長三尺。解劍長跪奉上官。劍未出匣。氣已寒。
陰風蕭蕭。霜氣團。上有奇字。橫闌干。細如錐。薄如紙。光
盪髮柔。繞指以刺人。人立死。鬼子劍殺苗子。吁嗟乎我
兵一萬三千人。安得人人盡持此。

跳刀行

樂鈞

兩人扶刀夾几立。一人赤體穿刀入。刀光潑水凝秋霜。
五體磨刀刀不溼。以頭據几。腳撐空。後刀當背。前當胸。
折腰欲下復不下。前刀當頂。後當膀。几上四面刀相環。
凌空飛出刀中間。最後躍登几上。反身一跌。勢千丈。
口銜手握刀縱橫。一笑收刀神轉。王吁嗟乎。踰鋒投鉞。
真凶危能透劍門。徒爾爲絳頭。毛面猶騷動。如此身年。
殊堪用。安得召募此輩千萬人。充補一隊銀刀軍。提刀
斫陳穢羣賊。拍張三公應可得。

戰守器具詩

馮詢

封之以瓦。礮約之以布。囊賤雖等泥沙。用則能飛揚。任
教勁敵軍。有目不敢張。

選石無定程。用石無定式。要惜石如金。入手不妄發。探
城防草人石盡出。真賊石

霹靂非不豪。呆置近愚憊。一動關兩人。擡礮有妙用。苟

未相厥機安能發必中擲礮

人人集攔牌礮必攔牌地能攔不用牌露立看敵至巧

固賴見機懼亦重臨事攔牌

黃竹鑿使通白茅束使逼體有十尺強氣可百人敵放

出大光明散作小霹靂一條銜燭龍四射含沙蜮噴筒

凡箭利用穿惟火法取墜雀足飛上天雀足加火飛入城壘見隋書

雉尾拖到地雉尾炬見宋書杜慧度傳炙地復燒天攢炬何由避火箭

一響落飛禽并州小兒事奈何今戰場恃此為利器便

成士卒功殊失丈夫氣火槍

蜀地出井油火得水愈迫陽以陰而旺燥以溼而發相

國朝詩鐸 卷十三 軍器

五

寇轉相生誠非敵所測安得滿江紅燒賊如赤壁井油

火彈豈不同勝旺敗則熄英雄手一丸氣燄關可塞親

見救城時冒死彈互擲賊退論城功焦頭作上客火彈

一木已難支况是木既倒卻以倒為支危城賴可保軸

如輓轆轉刺如荆棘抱周身密排木釘又似筆陳橫一落千軍

掃滾木

旗以言乎期與眾期聯羣起伏卻無常出沒如有神斬

將必先奪一竿繫三軍氣靡則已衰遠視防敵人旗

設牌以衛身衛身已自惜要在一往前冒死目無敵殺

機牌內伏殺氣牌外溢牌盡突見刀萬人勢辟易牌

屯田

眷兵行

劉時英

十萬入關徙富室富室一徙存什一美田華屋遷不得
自入函谷聲寂寂我朝籌邊廟謨精不遷殷實遷壯
丁復慮遠戍動離愁乃許攜眷塞上行君不見壯士出
門不回望箭在囊中弓在韋數杯濁酒壯行色妻奴歡
笑歌車上行抵屯所守且耕武講農隙厲甲兵不須歲
歲議防秋綠野授戈起柳營舊戰場區新黍稷萬里長
城控西北益信善取貴善守漢代何曾得上策

黃子雲葵誠向詩論營田篇見政術門

國朝詩錄

卷十三

屯田

六

查禮屯政初就篇見軍餉門

徙兵行

時詔徙
伊犁屯田

蔣業晉

今皇神武開遐疆西域酋長皆來王臣其氓者治其
地廟謨遠略何堂堂屯田塞下古有制直銷金甲歸農
桑詔書特下涼州郡徙兵遠戍催束裝非常之原黎
民懼一時詎忍輕離鄉重臣遙遙仗節鉞撫循備至逾
三章此去莫畏關塞遠但有耕作無戎行鋤耰棘雜
弓箭馬駝車乘儲芻糧或負或戴紛道路甯棄妻子拋
爺孃大漠烟生塞草白長河日落邊城黃到時穹廬共
處處不煩相度觀陰陽出入相友更相卹宛如同井無

參商墾闢日擴毋或惰人力自可開天荒我聞安邊易
致富金可作粟馬如羊又聞折膠秋氣肅控弦士馬雄
籌防 皇威萬里震沙漠狐兔蹤跡潛逃藏羗渾部落
久雜處一稟漢法無披猖爾輩于焉自蕃息玉門關外
寬輸將我來絕塞感羈旅恰逢荷戟趨氏羗風急吹笳
動悽惻月明倚劍空慨慷

邊防

黃子雲葵誠向詩邊東夷篇見政術門

甯夏采風兩蕃部牧靈武作靈武隸甯夏

楊芳燦

漢代始開置徙民實新秦遂收西郡地賴此爲本根當

國朝詩鐸

卷十三

邊防

七

時走白羊依山繕城垣雖云阻一面三面垂在邊西北
固礮塼種族蝗生蝥自周無上策何論漢以還棄之弱
三輔守之孤外援破完補一敝其勢無兩全爰稽勝國
時遺事可悲煎套地何么麼穴此井底天東馳逼環慶
西突連岸开此間大河險蹂躪爲通津并蜂起肘腋掩
兔不及奔時聞出賀蘭殺人潛草間我朝大一統封
域極廣輪蒙鄂兩蕃部內屬爲世臣迄今百餘載膜拜
奉一尊平靈數口道明制表闡門詔許通互市弛
禁薄其緡橐駝馬牛羊彌山塞郊原王公大貝勒封爵
被國恩藩部郎主之玉節乘輜軒賞功馭有罪動息

必上聞治以中國法。人以中國人。有如馭驛馬銜策。令其馴。又如哺雛鷄。七子養則均。馴由天子義。均由天子仁。美哉此道行。萬古無邊塵。

苗獠

苗民篇

李澄中

黔山苗民異顏色。長養子孫成絕域。至今千羽憶虞廷。格心實借三句力。布裹頭。顛毛髮蒼垢。埋面目塵埃。黑富者雙環垂兩耳。漫谷雕題與鑿齒。青蠻白蠻紫姜蠻。宋子蔡子龍家子。羅鬼谷蘭狗耳。龍短裙紅花不一氏。道旁苗婦妝飾工。銀環盈尺何玲瓏。跣足艸履鬪捷狡。國朝詩鐸

卷十三

苗獠

八

行膝在股。男子同臂。上繡錦衣。短後裙。腰細褶。鮮花紅。繭黃蠟絲。朱鬪包。徧身雜綴彩色。交俗傳九種。殆其半。拂之瞑目。時咆哮。天生此物。占荒徼。流民希少。無衡茅。紅苗崛強。化常梗。狃家跳梁。勢尤猛。自古豪傑。靖邊疆。仁心駕馭。兼機警。莫教長吏肆貪殘。遠人含冤思一逞。泮牂故郡窮。且荒山高田少。多流亡家。苗租庸困已甚。生苗叛服原不常。我行欲繪苗民苦。日日輶軒徧鬼方。

徭洞行

醇源日澆。滴習俗。觀蠻獠。谿人蠢愚。風往往合古道。嘗疑晉桃源。邂逅秦翁媪。絕境昔未通。神仙同縹緲。山徭

今見之打索深宵熟者解讀書塗雅漸成稿亦出應
懸科襪襪具文藻免徭是名徭隋志固稱好口計納貢
實齒長紀年稻石巢壘茨根風篁被蘭草約信乃羈縻
散朴由成堡舒置平賦來徵材劇繁擾騰猿五峒驚飛
虎入路討此輩實椎儲間隙况不少其先病誅求其後
死盪勦大戮盡氓嶽嶽然電一掃何者匪王民誠求諳
如保所以收要荒要使安溫飽所以密伺防要與共甘
夢選賢移苗疆忍遣民鄙天休息乎無為誰為百城表
宋史孝宗淳熙八年立縣學致峒民子弟見本紀又崇甯二年正月知荆南舒宣平辰沅徭賦二月遣官相度湖南北徭地取其材植入供在京營造辛棄疾為湖南安撫別荆一軍以湖南飛虎為名禦夷徭

國朝詩錄

卷十三

苗徭

九

程夢湘采葦歌見稅斂門

平苗篇

乾隆六十年春正月黔楚之交苗民不靖大吏奉命討之冬十一月軍中文報至

云苗勢日蹙指日蕩平因作此詩

吳翌鳳

五溪古荒服攢嶺箐深敵中有苗人居傳自槃瓠裔
狔狔與青紅別衣以為識織罽為桶幫踏金作纏臂緣險走
若飛多疑性偏忌有時結門款各峒歎血誓約緩急相救謂之門款旦旦
守信誓三苗分北後羈縻不深治後世設土官專責使
聯綴猶然肆劫掠出為邊鄙累我朝大懲創歸流盛
防衛不以化外視一氣歸陶鑄奈何復跳梁乃致煩天

吏推厥起覺由積漸非無自熟苗入版圖供役如奴隸
生苗職賦稅深藏若魑魅布寨衆星羅纏腰一刀利恃
山以爲險桀鷲本難制峒長苦誅求恐喝百其計有司
不時察漢奸復旁熾激爲走險心遂成負隅勢紛紛徧
崖谷擾擾無行次兵來鳥獸散兵去螻蟻萃焚掠市井
間洵洵肆吞噬致令蚩蚩氓肝腦塗邊地帝心赫斯
怒廟謨以次示上公偉謀略中丞儲糗糒桓桓諸將
校秉令不敢貳峻嶺側足登深澗斷壺濟總此七萃士
衆入抵其遂羣苗驚不測螳臂奮一試槍急萬人呼杜
制死不遑避橫空結陣雲陰峒消瘴氣積骸莽山岳坻

國朝詩錄

卷十三

苗獠

十

生痛殲癘指日渠魁擒清埃斥竿幟鏡馬上奏班劔
軍前賜靈雨洗甲兵長風掃孳孳南人不復反編戶悉
安父伊昔重華朝舞干載典記武功與文德千古歸一
致卷孽功旣成善後事非易勉哉守土官惠政起凋敝

苗官行

有議苗官者因賦此詩

陳文述

以賊攻賊賊乃平以毒攻毒毒乃行苗民祇合以苗治
不須清酒之誓黃龍盟約束等鄉老傳宣類通事苗官
雖名官原無官體制亦如土司謁漢官漢官威儀嚴且
尊苗官更比土司小祇有拜跪無盤桓鏘鏘之鈴鑿鑿
鼓歌是苗歌舞苗舞苗女如花十二五漢官漸被苗官

蠱漢官日以靡苗官日以驕大吏議欲裁苗官所慮煽
動蠢如鹿豕之羣苗民自有苗風氣想見高辛年代
事治法從來要治人漢法先應嚴漢吏我聞苗境多鐵
而少鹽苗刀如雪輕且銚淮南苗鹽具文耳兩淮例有
永順苗鹽
以供三廳苗食均在漢口私售以重費賂三廳易回文備案而已以鹽易鐵通兵鈐苗
鐵漸少苗情柔教以禮義化可流不見蘆笙跳月歌嫋
嫋亦復聰明婉變而綢繆苗性不易馴苗俗亦難改儉
乃可久簡易行賴有苗風至今在苗質渾噩猶胚胎苗
心混沌如嬰孩兩階千羽有苗格苗官既設休輕裁

乾州觀苗女采茶作

江紹蓮

國朝詩鐸

卷十三

苗獠

十一

乾苗飲水不飲茶滿山茶樹生椹杖苗女采向市上賣
易得官錢償米債日出負籠嶺上行籠中時聞兒啼聲
手掩兒口使勿驚山中虎狼晝啖人男子行自山下過
指說山尖葉更大扳援榛棘踏巉巖過午腹中猶忍餓
筠籠攜出帶山烟亂髮蒙頭殊可憐城中少年心計惡
盈筐不值幾文錢共說苗性如嫉虎誰知苗力實勤苦
豪強虐苗官不問吞聲忍泣含冤忿况聞官吏多誅求
挺而走險固其分吁嗟帝德浩無疆參養不遺雞與
龍區區槃瓠亦人類願體天恩靖遠方

湯鵬五源行見善政門

連州行

湯鵬

楚猿頑梗尚可導。粵猿生獠難與校。赤崖閉寨無地天。
白晝攫人如虎豹。帝念四遠無不臣。敕編猿戶蘇。貉
民摘環雜髮歌。康衢永無兵刃臨汝驅。

島夷

憂西夷篇

歐邏巴即西洋也自古不通中華明萬曆末其國人利瑪竇等始來以天文奇器售其術招集徒眾欲行所奉天主之教識者憂之○按是詩在夷亂華八十載前已見其端

程廷祚

迢迢歐邏巴乃在天西極無端飄然來似觀聖人德高
鼻兼多髭深目正黃色其人號多智算法殊精特外此

國朝詩錄

卷十三

島夷

七

具淫巧亦足驚寡識。往往玩好物而獲累萬。直殘忍如
火器討論窮無隙。逢迎出緒餘中國已無敵。沈思非偶
然深藏似守默。此豈為人用來意。良叵測側聞託懋遷
絕遠到商船。包藏實禍心累累見蠶食。何年襲呂宋。剪
滅為屬國。治以西洋法。夜作晝則息。生女先上納。後許
人間適人死不收。斂焚屍棄山澤。慘毒世未有。聞者為
心盡。非族來何為。窮年寄茲域。人情非大欲。何忍棄親
戚。諒非慕聖賢。禮樂求矜式。皇矣臨上帝。鑒觀正有赫。

遊天主堂即事

趙懷玉

峩峩番人居。車過常遠眺。今來城西隅。得徑甫深造。其

徒蕭將迎先路爲指導少憩揖而升居然煥寢廟香花

中供養壁繪天主貌曾甦垂死人能謝洪波擢壁間所畫天主

蹟亦無甚奇蹟彼特過夸耀謂自開闢來竟絕人與肖

樓頭旋奏樂彷彿八音調轉捩惟一手吹噓殊衆竅更

喜火發奇迸如劍躍鞘觸機四肢振匪藥百病療右築

觀星臺儀器匠心造橫鏡曰千里使人齊七曜迺於窺

天微兼得縮地妙所借味機祥但解推蝕朧或云利瑪

竇始由勝國到豈知貞觀間早有大秦號胎源出祇玉

阿憐切閩中謂天爲祇徐鉉增入說文神不外六科要徒爭象數末詎析

理義與 聖化溥裨瀛重譯不煩召治厯首明時量能

國朝詩鐸 卷十三 島夷 三

爰策效吾儒通三才本異索隱誚因疎專門業致被遐

方笑太息遵歸塗高林澹斜照

英吉利歌示使臣米士德 陳文述

英吉利爾國安在去中國 大皇帝所治中隔十萬餘

里大瀛海英吉利爾何所能製鐘表辨漏刻能織呢

羽爲毼甦英吉利爾何所見大郎山頭看南斗鸚鵡羣

飛綠成片英吉利爾來何意海西小島如蜉蝣傾心皈

依 大皇帝 皇帝萬歲萬萬歲兵力能伏汝汝大度不

貪汝土地汝願隸典屬國萬國玃珍有成例 純皇在

御癸丑春爾國入貢羅奇珍不貴異物不勤遠任爾化

外爲藩臣英吉利爾誠傾心皈依 大皇帝表文宜合
格使臣宜習禮任土作貢毋自異寵賚便蕃酬汝意

皇帝萬歲萬萬歲歲書入貢英吉利

緣施詩話曰音節
合古立言得體

雜感

汪仲洋

九州復九州海外國無數巒觸互吞併華夷不相慕永
樂通西洋睢盱競內附舶主乘潮來鳥帥租地住通市
致奇貨沿海漸多故船堅礮復利萬里一帆渡飛行無
定蹤守險扼何處勦撫兩不受張弛更番誤卻憶醫家
言補瀉不參互毒重而藥輕攻之或抵牾方劑弗妄改
沈疴終拔去病者求急效醫者失故步素問多奇方亦
國朝詩鐸

卷十三

島夷

西

復何所措

昔者班都護西域久相安塞下非孝順馭之惟以寬柔
祖偶乘快終日心不歡喜怒稍過當懸知受者難海外
極荒遠狀貌疑神姦恣睢不平氣馴之猶梗頑禁物皆
奇貨勒繳失請還嚴峻定條例威厲行諸蕃但欲絕流
弊詎知啟兵端擾龍涸其水驅虎離厥山蛇驚脫鱗困
犬邀搖尾憐窮蹙已無地講張乃訴天奉使不辱命夷
人稱好官平心論功罪臨風一悵然

澳門住鍼船弊政啟明祖相沿五百年華夷迭賓主氣
驕頗難折勢弱猶易撫諸蕃羨金穴往往爭纂取賀蘭

佛郎機樓船屢捍拒倫墩最兇狡志豈在商賈吾聞海
外國大小紛難數偶泊暎夷船奇貨快先覩豈料藏奸
險相歡極媚嫵虛實審言笑奇正勒鉦鼓併吞分屬藩
破滅奪疆宇沿海數萬里氣勢漸聯聚今乃徃故智愚
弄到中土聞粵猶藩籬江浙近門戶築館結巢穴何以
防翼窳

夷船來

陳春曉

南風薰夷船來 皇恩浩蕩海門開海不揚波捧紅日
中國 聖人知首出許爾夷船輸貨實奇技淫巧悉罷
黜 天朝柔遠始通商不貴異物詔誥詳豈知爾土產

國朝詩鐸

卷十三

島夷

五

最惡阿芙蓉乃腐腸藥製成鴉片俑誰作吸食家家一
燈灼勤者偷惰強者弱爾國厲禁再三約流毒中華以
爲壑宰官素稱賢衙齋晏尙眠健兒好身手弓刀忽卻
走粧閣漫漫長夜長禪房寂寂香復香下至廝隸工伎
役不能一日無烟吸人海茫茫齊溺沈包藏誰識衷心
黜 天朝藏富本在民貫錢朽腐山鑄銀以彼泥沙易
我寶捆載而去來尤頻數十年來億萬計欲壑無窮販
成例高牙大纛職海疆文臣不言武臣弊鴻臚諤諤心
樸忠 謂黃公 萬言入告陳 九重奸夷化外只圖利嚴
刑乃可除澆風吸食者斬罪無赦庶幾不墮彼術中

珠江鬼子街

袁翼

橫輿竹扇鬼侍郎碧琉璃眼隨鬚黃黑者為奴白者主
十三海國皆通商鬼婆握算工書記鬼兒盡解漢文字
奇技異物安足珍坐令中域銀山棄剝骨剔髓不用刀
請君夜吸相思膏

俞家莊歌

俞家莊者浙江嶼縣一小村落也道光

王寅癸夷寇甯波官兵莫能禦鄉民切齒欲甘心焉一日捕魚海上見有夷船停泊突入其船奪其兵仗夷人過半拆毀其船取其貨物以歸意夷人必報復乃操小舟十餘隻載稻草管索捕魚海上如故不數日果見火輪船二揚帆來鄉民俟其近各懷利刃躍入水中密以所攜稻筐繫兩輪旁船不得動夷人方愕然鄉民已躡火輪上出利刃擊刺夷人盡殲焉取其貨物防守益固夷人因不敢入嶼縣境而

國朝詩鐸

卷十三

島夷

七

一邑無恙陸伊湄大令有庚辛日記言之甚詳余聞而壯之賦此詩以貽采風者

顧翰

嘆夷聲勢不可當到處焚掠恣披猖聞風畏懼爭逃亡
挫衄乃在嶼縣鄉嶼縣鄉民有何長終年力田菽稻梁
入水捕魚以為常側聞夷人紛劫攘胸懷義憤志激昂
恨不剗刃屠其腸一朝拏舟在內洋瞥見海舶高帆檣
乘勢突入夷人艙舉手奪得刀與槍夷人多半被殺傷
僅有一二得遠颺拆毀船板如排牆拋棄毒土無遺殃
所獲財物兼軍裝父老竊歎見未嘗鄉民歸去心思量
重來報復勢必張有備無患宜熟商各挾匕首懷中藏

依然海上鳴漁榔載有菅索與稻筐如俟寇至來齋糧
天風海水聲浪浪果見萬斛來龍驤游鯤擊水同飛翔
鄉民此時亦不忙一一躍入波中央潛行水底如周行
密將所攜繫兩旁使彼火輪似耳瑤不得轉動如旋牀
夷人猶然蜂綴房鄉民猝至殊倉皇斫落夷首如封羊
但見鮮血流滂滂遺有貨貝數百箱遂令窶俗成豐穰
夷人自此心怯恇不敢擾害來茲方庚辛日記言甚詳
我初聞之喜欲狂我思將帥身堂堂天戈所指天威揚
詎無弧矢射天狼我思材官羽林郎冠飄孔翠乘飛黃
詎無勇氣赴敵場我思節鉞專封疆高牙大纛何輝煌
國朝詩鐸

卷十三 島夷

七

詎無偉略籌邊防我思牧令稱循良平時惠澤流甘棠
詎無衆志成金湯我思宰輔居巖廊出入帷幄資贊襄
詎無碩畫恢宏綱我思侍御依天闈手執白簡排風霜
詎無上策呈封章我 朝德意何昭彰能令萬國來梯
航臣民累世蒙樂康妖星偶爾吐角芒爭願同澤兼同
裳君不見小可敵大弱敵強靜能制動柔制剛保護宅
里如苞桑小小乃有俞家莊俞家莊歌慷慨作此歌者
顧兼塘

紀事

朱 綬

市舶通商久何年載鴉煤里閩添嗜好山海竭資財世

事行將轉民生劇可哀爾曹急湔濯 天怒赫難回
海外驚章疏中朝大有人狡謀當可詘頑俗庶能馴奉
法須良吏防邊恃重臣毋令狐兔輩藉口啟兵塵

天主堂

姚燮

狹壁搜至冥百靈一孟滙包羅乾象森勃宰五洲海闊
然龍氣寒氄地被青鬃方桷彫聖丹華蟲縵回彩深日
嵌畫旒綺月拓飛陛似舞刑天戈來鞠貳負罪其神冠
帝皇其名混元駭高準鼻類獅銳角耳同獬牟尼三劫
輪規球掌中擺叉指側右肩口哆意有在魔母肖婉矜
兜胸燦球球項繡纏露花鬢偏彈烟茵媚睇山鬼淫媚

國朝詩鐸

卷十三 烏夷

七

笑洞狐駭倚膝耶穌兒了髻索黃嬭謂是虛無宗命作
造化宰漢歷元壽遙禩運遞子亥救世來拂蒜肉身不
遭煨幻以契利沿術從瑪竇給法徒十二人分支守宗
禩宣教揚秘文遺蠱毒千載誓盟俾斯玻衆惑結難解
唾拾釋老餘上素六經楷粵昔明神宗賓而賜之邸竟
欲綱常証遂釀釁禍始咄嗟宗伯馮鑒識極庸猥坐使
閩廣天東南陷淵底金陵稱文邦祆儒首徐李潤飾六
冊書抗衡五斗米卓傑珂徐如珂與輝晏文輝疏辭明大體
摧折青白蓮頽塢蕩焉洗蒼龍衛 聖朝彤雲覆萬里
大統持中星弗崇絕徼技黔黎踐仁義奸誘辨羗鹿詎

愛人頭錢下受狗獫貐此堂雖兀存櫨荒偃戈榮試瞻
太學門祥赧自瑰璋

甬江行

黃燮清

甬江東連海水白估舶番檣密於櫛碧眼夷奴識寶氣
萬里浮家來作客繞城結屋三里餘霧閣雲窗照金碧
聖朝寬大示羈縻內外一家漸相習近聞海寇極縱橫
中原多故未遑緝夷奴趨健頗效順翻爲商民擊盜賊
巨艦峩峩銜尾尾歸百戲酬神夜繼日以虎禦虎未足恃
但計近功豈遠識銷鑠黃金熾火輪重背填壑能無竭
古來邊釁由利開官司撫御要有術浙東寶玉是鄉多
國朝詩錄 卷十三 島夷 九

有感四首

吳嘉淦

豈有腥羶可結盟通侯略遜書生降旛初豎朝開壁
遊騎潛來夜斫營一隊孤軍關壯繆全家并命卞忠貞
試憑烏涌東西望月暗風高哭楚兵

險絕孤城大海東鴟張虐燄肆環攻曉峰草化愁燐碧
遠島霞凝戰血紅齧指霽雲能慷慨納刀光弼本英雄
擁兵苦恨諸專閫坐廢牙軍六日功

寶氣衝天寇燄消將軍進擬絕天驕三公謀國終牽制
一柱迴瀾駭動搖馬上方思擒頡利軍中先痛失嫖姚

大星墮地餘芒在膽落妖酉沸海潮

雉堞嵯峨壯海濱聞風先已闢重圍早知揖盜資行李
底用增兵費算緡官吏潛蹤同伏鼠商民逐貨似遊鱗
沈江惟有楊臨賀肯與袁崧作替人

火輪船行

薛時雨

古聖製器禁淫巧舟車所至軌度同山行澤行兩不素
各執藝事遵考工掌火勿使治水國爲輪焉可施緣幢
聰明智慧匪不逮人力未肯爭神功泰西重譯議互市
蕃舶絡繹來南東壯猷方叔講禦寇納幣孟樂求和戎
從茲奪我月楫利風濤馳驟驚蛟龍我生守拙羞鬪捷

國朝詩錄

卷十三

島夷

三

望洋奚肯蠻語通長江千里阻賊盜海門一綫留吳淞
裏糧襍被姑就此登舟駭視疑鮫宮黃鬚碧眼逞狡獪
綠窗粉壁誇玲瓏沙棠堅緻鑄白鐵火珀燐耀磨青銅
兩輪相向勢迅疾雙鑲暗縮聲琤琮中間樞紐各自備
旋轉畧仿候辰鐘煙燄一發關振動陵轍海若驅豐隆
以火制水水陡沸以輪踏波波怒衝錢江射潮奮鐵弩
平原較獵馳花驄好山好水一霎過眼花撩亂無停蹤
晝發潯陽暮皖國夕陽明滅龍山峯夢迴日出見白下
江南江北青濛濛老酋睨視不假道時粵賊猶踞金陵旌旗搖
曳張城墉外夷威且懾內賊胡爲盪寇無英雄欲圖攘

外先靖內沿江何日銷狂烽臨風擊楫二歎息自斟濁
酒澆心胸臺樓海市忽復近春申山黛浮杯中

聞定海鎮海乍浦寶山上海京口諸警並見夷帆
逼金陵感賦

湯國泰

我皇臨六幕永清無欺蔽迄今二百年雨露廣霑被
聖神而文武柔懷而神畏航海與梯山遠譯共球至疆
無有不庭耀德兵不事胡爲小醜來跳梁掉螳臂公然
扞大刑奔狼而突獬島夷越重洋披猖敢犯內鯨浪翻
吟龍蛇篷鬪猛鷲其吉利船名蜈蚣以形似得名銃礮拽桅端慘慘風
先吹火輪運檣邊縷縷煙忽熾霹靂轟從天豺虎餌滿

國朝詩鐸

卷十三

島夷

三

地闢虎門廈門擾閩界浙界舟山暨寶山失我數大帥

提督關公天培總兵葛公雲飛鄭公國鴻可憐吳淞民

王公錫朋江公繼芸謝公朝恩祥公福哭聲咽泖澗孤軍救無援又痛長城壞東南一柱傾蒼

生於何賴三載防堵功垂成一朝敗陳軍門化燄烽火燎

天紅墨煙蒸海沸由是賊膽張煽毒逾狡獪蘇松常鎮

間噓凶漸擾害遂虜子與女遂竊金與幣遂辱及蛾眉

遂雄逞鷹鼻閭閻歎化僑室家嗟播棄江邊屍積山魚

龍爭啜飼我時羈江南大江頓傲睨諦觀夷陣容烏合

同兒戲鷹畫雙單形鬼分黑白類短衣笑猿猱突袖啞

奴隸以彼較中華豈非人類異去城復入城貪恠惟攫

利譬諸小人中直與盜賊例何以對 天顏而乃行無
忌軍復殊鸛鵝陣不講魚麗所恃礮船耳何不先發制

禍原啟梅墩芙蓉召兵燧自林制軍焚鴉片義律遂作
難裕帥憤粵中議和之非策防海人豈無龍虎卽管毅

督師甬東時擒戮白鬼夷再陷定海梅墩在定海外明俞大猷威繼光
有俞虎威龍之目製礮人豈無文開卽霍魏世倘有其

人火攻今堪試何以紓 帝憂何以擢軍費始歎石頭
城烽烟今見二順治九年鄭成功由海
入江破京口而圍金陵愈欽 睿慮神

千年如覩記康熙五十五年十月 聖訓云海外西洋
各國千百年後中國恐受其累此朕逆料

吞聲行 王柏心

國朝詩鐸 卷十三 島夷 三

孟氏戒言利吁嗟言之長家國奪不饜爭端多殺傷豈
知百世下華夷汨其防窮島十萬里豎亥所難詳算船

啟互市毒禍機牙張鼉牻尾閭溢沸天撼扶桑鯨使抗
盟會鮫人雜冠裳郡國徧海市乾坤爲權場罄盡九州

血不充鯨鰐腸蟹母五都集蜃樓千尺強祚神鼓雄誕
二氏莫能當馭僧擅擊斷裂盡百王綱哀哉禮義俗化

爲鱗介鄉夷吾不復作姬旦亦已亡吞聲勿復道天道
猶茫茫

書所見 辛酉 二月 不備 又 賈胡翻作伏波留紫蛙明鱗映蜃樓莫信鷲縻求內屬

豈真文物慕中州。金牛炫蜀能無詐。璧馬欺虞大可憂。
但使天威終震疊。不妨權計示懷柔。

雜感

又

窮髮奇肱混職方。開局撤盡九州防。介鱗上湧樓臺氣。
戎馬中開權市場。天下倒懸驚未有。域中包禍歎非常。
周家德厚形偏弱。微管於今獨感傷。

十哀詩

趙函

哀虎門

弔廣東諸將也

道光庚子冬粵中和議將成督部遠撤戍守逆

夷乘不備攻破沙角大角二礮臺三江副將陳連升及子舉鵬死之父子殺賊多賊到割其屍明年二月賊驅火輪船入虎門守兵僅數百人提督關天培請援兵督部堅不發提督力戰不

國朝詩錄

卷十三

島夷

重

支自刎死水師游擊秦廷章亦殉焉同時鎮守總兵祥福率楚兵守烏涌戰歿岩山游擊沈占鰲守備洪連科同拒賊死

沙角已毀大角摧陳安父子同飛灰紅彝大礮破浪來
師子洋外聲如雷虎門將軍壯繆裔報國丹心指天誓
兵單乞援援不至南八男兒空灑涕賊來壕鏡窺虎門
海水騰沸焚颺輪揮刀赴敵惟親軍一死無地招忠魂
賊勢鴟張楚兵哭烏涌東西等破竹吁嗟乎督師義和
和不成召寇親至蓮花城

是年正月督部約夷目義律至蓮花城議和不至

哀廈門

弔福建諸將也

辛丑四月粵省和議成夷船退出虎門各海口

方謙撤兵夷人復易領事頭目再擾廣州七月日犯福建泉州之鼓浪嶼直攻廈門金門總兵江

繼云以救護砲臺落水死護延平副將凌志習
准口都司王世俊水師把總紀國慶楊肇基季
啟明皆力戰死廈門陷總
督率道將以下退保同安

夷人擁兵作商賈飢則飛來飽颺去五月甫退零丁洋
七月復來鼓浪嶼泉南要隘首廈門屹然雄鎮清海氛
一朝樓船不設備遭此豕突兼狼奔礮臺拒賊江繼云
落水甘被蛟龍吞王都司偕凌協鎮大礮一震身同焚
吁嗟乎裨將材官氣何勁披髮叫天同授命高牙大壽
何所之傳令內渡先班師

哀舟山

弔定海三鎮也

夷陷廈門後再犯定海
壽春總兵王錫朋處州

總兵鄭國鴻定海總兵葛雲飛同守定海賊至
拒戰自八月十二日至十六日我軍屢捷十七

國朝詩錄

卷十三

島夷

高

日賊由陸路攻曉峯嶺王鎮砲傷一足猶揮軍
進賊憤奪其屍去轉攻竹山門鄭鎮中砲死復
攻東嶽宮葛鎮勢孤亦戰死是役也三鎮苦戰
六晝夜殺賊甚多卒以海外無援同時授命

舟山孤懸東海東兵燹之後人烟空逆夷再至稱報復
舍舟登陸環來攻三鎮屯軍作犄角屢出奇兵賊已蹙
賊分三路轉戰來擡鎗火箭如崩雷百戰威名壽春鎮
浴血滿身還斫陣曉峰嶺頭挫賊鋒六日相持氣爾振
我軍下壓賊仰登勢與鷗鷗同飛騰一礮山前將星墮
奪屍竟去誰能爭竹山門東嶽宮賊所到處煙焰紅鄭
葛二鎮同戰死天教鼎足成三忠吁嗟乎舟山之戰止
此三鎮成三忠從而死者壽春一旅悲沙蟲

哀蛟門

弔裕節帥也

逆夷既陷定海

遊奕蛟門

督裕謙督兵駐鎮八月二十六日賊船分泊沙

嶺招寶山後及鎮海北門先由沙嶺登陸

攻占金雞嶺狼山總兵謝朝恩拒賊死提督余

步雲自招寶山遁回攜江單賊遂占招寶山卑

賊攻城裕督待提督之援不至賊陷北門遂自

沈於泮水縣民救送郡城又送至紹興薨于途

裕公為班將軍第之後朝廷以祖孫殉

雖優卹賜諡靖節逮余步雲入都伏法

欽使兩江總

欽使兩江總

欽使兩江總

欽使兩江總

欽使兩江總

欽使兩江總

欽使兩江總

欽使兩江總

欽使兩江總

倉黃殉節泮水旁縣民救出行俚俚一宿入郡城再宿

國朝詩鐸

卷十三

島夷

三

渡曹江輿中畢命還錢唐 九重郵謚書旂常祖孫雙

忠圖紫光吁嗟乎喪師失地臣死罪一死烏能收覆水

浮言既雪功罪分歐刀迺戮余提軍

哀甬東

弔甯波陷賊也

八月之晦夷船泊甯郡

吏閉城西靈橋門忽開賊眾大至提督余步雲

騎馬由南門避賊道府以下及兵民紛紛奔雲

賊遂據郡城出條告通貿易聽詞悉官軍僅畫

曹娥江以守郡城鎮海定海俱委之賊 欽使

揚威將軍至浙東復誤用間諜為賊所 給兵復敗歟自是軍謀不輕言收復矣

督軍已死提軍走鄞江劇郡誰為守 礮火直撲靈橋門 一闕空城散鳥獸羣夷入郡升堂皇漢官體制夷官裝 居然判斷受訟牒侏離約略成三章有黑夷者犯姦盜

法不稽誅懲桀鷲郡民殘喘此暫延翻苦官兵肆凌暴
吁嗟乎軍謀給賊墮賊計入城已無旋馬地大軍拔寨
回旌幢一水畫斷曹娥江

哀乍浦 弔乍浦失陷也

先是浙軍募鄉勇有糧船水手青皮黨李姓者

率眾數百人應募給六品頂戴統其眾守乍浦逆夷昔時至浦賣煙土有閩省鄉勇為之交關李率其黨劫掠閩人訴於賊王寅四月夷逆至浦舉礮焚滿洲營李眾爭先出戰閩勇倒戈相向賊乘間陷乍浦死事者同知韋逢甲千總韓大榮二人都統鎮道以下俱避郡城兵勇四散李黨復在郡發殺閩人郡城大擾將軍者英至始擒治數人民心稍定

羣夷巢越東久有浙西志龕山潮不平尖山潮又滯打

鼓揚帆抵乍浦此是商船舊門戶往時賣土不帶兵今

國朝詩錄

卷十三

島夷

美

日帶兵兼賣土軍門召募多害民紛紛烏合本不馴青

皮入伍更狡猾劫奪闖勇官難申黃檳洋外報夷警一

礮燒營風力猛兵勇出鬪乃倒戈夷人乘閒得一逞吁

嗟乎官民雜選走秀州鄉兵露刃仍相讎郡事倉皇疆

未靖夷船又入江南境

哀吳淞 弔陳提軍也

壬寅五月夷船數十艘犯寶山兩江總督某提督陳

化成分兵防守賊船近海塘提督登塘督戰礮發夷船三又擊斷大夷船一桅斃夷數百賊少卻既復連檣進縛大礮於桅巔下擊提督中礮死寶山陷死事者守備章印福等七人上卒入十一人總督退駐崑山賊遂長驅入上海且抵松江城下

嘆嗒宿將陳提軍殺賊膽大能包身手燃一礮擊夷艇

高桅粉碎同漂梗。夷人屐挫仍進兵。檣竿運礮風霆聲。
下窺我軍發洞中。土牛塌倒土堡平。部下將士吞聲泣。
提軍屹然海塘立。我礮不燁身當糜。官兵鳥散賊大集。
賊鋒猖獗不可當。斬關直入吳淞江。吁嗟乎今日破滬。
瀆滬瀆城早空明。日戰三泖三泖烽火紅。驛路羽書聽。
傳箭督軍退駐崑山縣。

哀滬瀆

弔上海失守也

逆夷既破寶山入吳淞江至上海官民先期避

賊城空不守賊宴然入城據城隍廟黥視衆
十三日分船由黃浦攻松江郡城壽春總兵尤
渤拒賊再拒再卻十五日賊退出吳淞口事定
始知賊至時惟上海典史楊慶恩投吳淞江死

擡槍千百來金陵如山火藥吳淞營四方勁旅復調集

國朝詩錄

卷十三

島夷

三

區區曠夷何足平。豈知賊入吳淞口。將士乘舟望風走。
礮臺戕戕數十重。一夕摧枯還拉朽。夷人登岸城門閉。
徧尋官吏無人來。一尉沈江識大義。城亡與亡良可哀。
蒼民早罷東門市。富民皆向蘇州徙。蘇人亦擬徙他鄉。
捆載連船水邊艤。吁嗟乎中流千金得一壺。寶帶橋畔
停須臾。須臾又報夷船退。鼓櫂仍還三泖湖。

哀京口

弔鎮江陷賊也

六月十三日夷船入圖山門官兵遁副都統閉

城不敢出參贊提督防鎮江者亦退守新豐十
四之夕賊以大礮攻北門用皮梯登城民人相
率逃竄而城鎖不得出賊開門縱之旋至駐防
旗營大肆屠戮都統匿避不知所終守土官無
一拒賊死事者賊據城兩月餘居民死者枕藉
婦女不辱嬰刃投縵入井死者尤不可勝計

江頭戰艦埋蘆根火輪飛入圖山門橫江鐵鎖虛語耳
賊未至京口時總督檄常州府屬八縣各購鐵索千條解鎮郡備用迨解到而城已破浪打金焦

無一二都統閉城兼下鑰不許城門出老弱須臾賊破
北城來盡逐民人向南郭郭門大開縱夜行翻身乃至
蒙古營蒙古官兵睡方熟夢裏人頭血漉漉都統倉皇
走且伏莠面割須逃鬼錄吁嗟乎夷人據城兩月餘一
城將吏俱亡逋官解作馬廐民舍作行廚有子遣其父
有婦逐其夫女使薦寢男樵蘇稍不遂意悉就屠餘者
創痕滿道途官兵盤詰無時無

哀金陵

弔省城居民及沿江村落被賊蹂躪也

國朝詩鐸

卷十三 島夷

三

夷入大江封瓜洲之渡焚儀徵之船疾驅二百里抵觀音門時總督已回省城伊節相者將軍相繼至通使議和夷人要挾百端忽戰忽和當事受其顛倒忽詭言架砲鐘山之頂官兵胆落悉從其所欲而後已入月和議成三節使宴夷酋於靜海寺夷人亦整隊伍相送然夷船久泊江于城外居民大受荼毒且縱三板船遊奕江浦六合之境所至村落一空

夷船入江來先截瓜洲渡眞州城外生煙霧一炬鹽艘
不知數天塹飛過蛟龍驚揚帆直抵金陵城金陵城中
軍勢渙大府主和不主戰伊相國來操勝算欲以慈悲
彌宿怨夷情貪狼惟愛錢紅旗白旗持兩端忽然昇礮
鍾山頂俯瞰石城如瞰井闔城慟哭潛出城一半流亡
入魚艇秋風戒寒和議成廟謨柔遠思休兵華夷抗

禮靜海寺儼然白犬丹雞盟吁嗟乎城中歌舞慶太平
城外盜賊仍縱橫夷人中流鼓掌去三月長江斷行旅

滄海八首
錄四

又

滄海橫流孰釀成登壇叱咤詡知兵狂獻蜃市通私款
擅棄珠厓順敵情罪大難寬鐘室繫焰高猶有死灰萌
小臣一語回天鑿樂府新翻折檻行

綠車朱鉞大牙旗十郡良家候誓師棄甲曹江高枕臥
頓兵吳地執冰嬉藏身狗竇軍中客續尾貂冠帳下兒
目送夷船入東海將軍還欲事羈縻

阿芙蓉土壓潮來此是昆明幾劫灰奇貨公然違令甲

國朝詩鐸

卷十三

島夷

七

漏卮無計惜民財俄看夷館連雲起又報皮船狎浪回
試問燉煌賢節使賜環何日下輪臺

百年前事說雞黎

暎哈喇初名英雞黎雍正年間始至粵見澳門紀畧

蕞爾遐荒

隸泰西大肆陰謀交閩帥潛埋蠱毒遍蠻谿臺陽定讞
收烽燧江介休兵厭鼓鼙帷幄若籌清海計封關合用

一丸泥

又摘句祗愁贊普無和議那顧將軍有誘書將吏潛蹤魚混服夷酋入市鶴乘軒

鼓吹詞

按此詠辛丑西夷事○十二首錄四

何棻

不用將軍霹靂弓旄頭未展已平戎但憑割地爲長策
猶欲貪天冒戰功南海無珠仍苦索北門有管竟潛通
振振麟趾何窮意盡在吁嗟一歎中

狗苟蠅營總莫論誰令海澨縱鯨吞援師退舍神弧偃
和議盈廷鬼國尊萬死難寬三尺法再生仍負九重
恩天心自是無私愛遣戍何當出玉門

談笑從容卻敵兵允文真不愧書生百蠻通市原非詖
萬里投荒獨有名黑白更誰持大局東南從此壞長城
惜公不合開邊覺直道長留愛歎聲

妖氛初起粵西東治癘無能更養癰風鶴已聞逃將帥
雲龍何自起英雄旌旂枉見從天下鼓角翻驚出地中
智勇由來歸氣數可憐劫火徹年紅

夏尙志甯郡感辛丑事四律
伍承組感憤詩太息一章

並見兵事門

國朝詩錄

卷十三

鳥夷

三

夷場行

譚獻

人間何地無滄桑平填黃浦成夷場高高下下噓蜃氣
十五五羅蠡房青紅黃綠辨旂色規制略似碁枰方
門前輪鐵車碾碾人來闔戶搖銀鐺倒映窗牖頗黎光
左出右入迷中央兜僞竊糾言語厖笑指奇器紛在旁
自鳴鐘表矜工良水春機上織成匹磁引箭中火具揚
銀鏤尺表測寒暑電景萬里通陰陽我非波斯胡目眈
妄能詳中原實遠物一握兼金償矧乃阿夫容其毒能
腐腸世等酸鹹嗜直以饗殮當烏虜利藪召兵甲烽燧
廿載盈海邦不誅義律縱虎兕哩嚨吠

見章奏用
此文

出尤

猖狂九州禹服萬物備何煩重譯通梯航廣州南岍印
吾鐵閉關不早師陶璜 聖人先見在故府煙塵海上
天蒼涼惶惑萬怪有銷歇大風去垢朝 軒皇

懷遠

蠻賈行

朱樟

碧雞市中遇蠻賈衣裳不同毛髮古白鬪寶衫散素霞
赤腳花縵踏寒雨欲以泉貨誇荒夷骨董囊盛難口數
囊中磊磊皆珍奇寶光未定森陸離石榴子堆紅鞮韞
舍利珠串青玻瓈酒船殷濃凍瑪瑙玉玦肉好刮羊脂
冰文碎疊象牙簞女字短圻珊瑚枝其餘藥物頗拉雜

國朝詩錄

卷十三

懷遠

三

牛黃阿魏分錙銖豈知中原所寶在菽粟不貴異物爭
刀錐臨叩富人數程卓家僮八百稱多賞只今射利專
鹽鐵鑿井穿山官不知貧兒衣食於奔走刮腹藏寶甯
非癡蠻賈偃僕向余說尚憶西爐全盛日就中多寶是
烏思能譯華言呼上客自言販寶入西川幾輩白人添

白髮

白人即中國所稱善人見蠻司志

但見春草數回青不記來時年

與月忽聞問謀有訛言平安火斷軍書迫西爐何事乃
與師五月渡瀘椒瘴赤金錯銀刀下砮樓珠琲貝錦交
狼藉一將功高萬鬼啼劍頭炊米焚枯骼我聞此語心
怛怛一身何幸遭太平旄星無光黑眚伏精甲淨洗天

河清蜀都四隣雜番部柔遠要在輸其誠蠻賈有言亦
無罪慎勿開邊輕用兵

大喇嘛寺歌

馬維翰

我無摩尼照濁水偶參上乘心清涼惠師羅什亦已化
今之行腳惟衣糧西爐自昔西番地舊無板屋皆碉房
不生草樹山壁立茫茫沙磧無稻梁茶惟先皇赫威
命版圖始入開封疆至今萬里烏斯藏亦來重譯瞻冠
裳奈仍夙昔鋼不解俱言此類生空桑空諸所有有彼
法如何佛寺猶雕梁繚以垣牆一百丈藝以文石周四
方橫窗側闔面面闢旂竿略綽當門張其上層樓緝金
碧下畫神鬼東西廂寺僧少長凡幾衆不語前立紛成
行偏袒右肩事膜拜雙瞳轉仄駒有光宰生割剝了不
怖呼號其側神揚揚六時梵唄若功課渴飲酪乳雞牛
羊宵分聚徒大合樂互吹骨角聲低昂卽論釋典尙清
淨此甯有意登慈航或云流傳術頗異播弄造化如尋
常安禪毒龍致時雨誦咒青女停飛霜此豈實具定慧
力竟能詭術回穹蒼咄爾世人迷不悟福田利益縈中
腸乾坤高厚妙運用豈待尺寸量短長聖人深意在
柔遠順育萬類通要荒因勢利導牖蒙昧欲使寒谷回
春陽昭昭大道揭日月異教豈足紊紀綱矯首夷風倘

一變飲食男女真天堂沈歸愚曰詩旨謂遠方畏服其人非尊信異說也未歸到聖人之教如經天日月儒者正論曠若發蒙

從觀察使者循行夷寨編列戶版紀事

吳存楷

在昔西南夷萬里阻絕徼犛牛山穹窿金沙江縹繞氏
羌區以類邛崙實其隩散或蠻觸攻聚則魍魅嘯唐蒙
驥武備馬卿諭文誥首屈仍羈縻尾大復攻剽斧畫圖
苟完甌缺終見誚我朝受命初蕃服爭自効板楯聯
新封鉤町除舊號犛馬歸卓樞蒟醬供瓦銚乃獻賧獻
琛亦舞羽舞翻形方瘠土曠驚利客民召燕忘巢幕危

國朝詩錄

卷十三

懷遠

三

蟻切慕羶好襁負攜妻孥擔登羅白竈占地闢畛畦鑿
坏啟堂奧重譯語漸通互市劑可約阡陌多華離汙萊
半侵盜強怒有力爭衆鬪無理鬧短箭青竹弓長刀赤
皮鞘列陣驅千人具獄喧兩造息壤背盟誓邊費懼開
導是宜并疆畫毋使客籍冒撫夷責楨臣編版息羣謀
紛紛亥市集一一丁男報賣債規奇零租稅酌豐耗算
非元封增民異太原料毳幕開前庭推髻迎左肅威之
蒲鞭懸來者乘韋犒義警邊氓愚令戢土官暴夏畦敢
憚勞春雨咸沐膏輕材艱覓食儉府容寄傲志慚定遠
壯年遜終軍少袴褶裁氊裘行滕縛錦襴猛鼓渡瀘楫

催發踰嶺轡晨起霜威銛宵征月魄耀砭肌入風洞沒

脛穿雪窖但看排穹廬聊與息旌旄寸田履畝分尺籍

翦燈校直擬窮要荒詎止快遊眺羃女及獠奴補裙而

花帽銅鑲試寬窄毛褐歷寒煥生熟支久殊番夷有生熟二種熟

番在外通漢語黑白種惟肖夷人之貴者曰黑骨頭賤者曰白骨頭猿扳碓房登

牛飲蘆酒醕鐵褐野有文夷人以毛織布有方野文名曰鐵褐糲粃米雜

糲粃把夷人所食以雜糧為之跣足踏山走裂齒向人笑但聞鉤鞞

聲不驚混沌竅兼旬伴我慣數語為爾告 聖王今御

宇遐陬咸服教德裕鎮西蜀羣阜奠南詔馴皆似犬羊

劣弗為虎豹心宜凜畏懷力可任徵調網獲罷秋獮刀

國朝詩錄 卷十三 懷遠 詩

耕急冬燒歌樹黎一曲備柳營七校耳目留睢盱孫子

安啄菹庶幾安土著長得戴 天燾作詩宣 皇風健

筆特排鼻

會匪

白蓮賊 疾妖邪也 徐鑠慶

天上佛地下佛白蓮教傳經十萬妖人身雪白白衣白

帶白幘幘白蓮老妖舊姓齊妖腰斬斷遺妖妻其妻本

是倡家女白蓮庵中夜深語女寇齊林之妻稱齊二寫婦林先事伏法妻曾為尼

後適姚之一富為逆一朝走馬嫁與姚芙蓉寶劍銀鞍驕姚鬚長

妻鬢短姚逆稱雪點花裙人血滿朝朝念佛暮殺人不

女不男佛不管。

白蓮賊

喻文鏊

燒香始何代。詭言扇羣愚。旣殲孽。仍滋糾。結起萑苻。方
今全盛世。時和物昭蘇。奈何戎伏莽。白晝鴟鵂呼。作橫
在鄉里。那敢犯牙須。倉卒弄潢池。荼毒嗟無辜。大府憂
時切。揚刃彰天誅。鯨鯢豈忍築。稂莠所必鋤。防川竟如
何。嗚呼愼厥初。昔者文成公。平盜南贛。隅編戶。嚴保甲。
於法不爲疏。四民有常業。焉能容匪徒。治人行治法。能
以實心無。

閩中花會

洪占銓

國朝詩鐸

卷十三

會匪

三

天罡卅六字一字一廋語。一錢幸億中。可獲三十五魚。

潛負香餌。遂使愚民。蠱走風徧。鄉村傳信者謂之走風。問卜勤。

婦女關通到吏胥。訪捉迂官府。鬨然一笑散。弋去鷗復。

聚霎時。構草房。漫山鹿麋。麋我竊。謂不然。是山必有主。

擒賊先擒王。除佞乃除虎。首別淵。戴空安身。無處所咄。

嗟禁惰游。夫征制已古。但得吏廉能。防微非小補。

哀游民

戒黨也。粵中吟之三

戴熙

豐衣足食百無爲。結盟拜會相追隨。古今豪傑惟有我。
安識黃巾與赤眉。父子不相能。兄弟不相友。惟我盟會
不可負。一朝官捕走四方。東有肥羊西有酒。烏虜不言。

盟不言會。豈有良民官肯嘗。

感事

嘉慶甲戌正月作

高銓

王師奮武衛橫戈披荆榛蠹茲螻蟻血化作草間燐嗟
哉大江北邪教久傳薪在明白蓮黨在元爲紅巾愚民
易蠱惑趨之如飲醇長吏非聾曠炊窳莫能堙涓涓者
不絕江河安可馴坐使肆螳臂九土颺飛塵勿謂事烏
有高枕慶良辰昔賢防禍亂未雨早經綸

雜詩

王文璋

燒香奉蓮花謂可免厄難展轉分師徒其中愚黠半山
陽周令君治盜有成算盜多自拔歸蒲伏愧流汗所貴
在勤能豈真無忌憚

國朝詩錄

卷十三

會匪

袁

捻匪

捻子

蔣湘南

淮西叛唐代教民尙勇鬪習染一千載至今沿其陋兒
童矜帶刀長大詔弓殼架炮肩機鎗蜂蟻紛相就夥涉
數百人亡命皆輻輳響者爲頭目

能排難解紛者衆奉爲首呼曰響者

難必拯救睚眦無不報殺人當白晝其名曰捻子紅鬍
乃詛咒

良民詈之紅鬍子

捻子有強弱衆寡皆盜寇兩捻或不

合一戰禍已構其先下戰書來使必豐侑期前各亮兵
門前勿馳蹂

凡捻子相鬪必先下戰書定期期前三日此捻子向彼捻子門前擲武次日彼捻子

向此捨子門前亦然
各不相見謂之亮兵至期擇廣場對壘排獵圍戚隣作

調人長跪口爲授說和者具衣冠至場中長跪
跪二捨子頭目亦長跪和則兩相

揖不和兩相嗾但聽鎗鳴鳥
以鳴鳥鎗爲相罵遂如圈逸獸傷

錨者折股中刃者絕脰黯者搶鎗礮飛跳捷於猿
無賴少年

有專習搶鎗礮者各
捨子皆出重賞質之戰勝奏凱歸戰敗仍守候匿尸不

報官養銳仇必復汝光隣鳳類習慣真逐臭新例罪縱

加新例南汝光有十人
結夥者即發烟瘴頑梗終如舊或云選健吏嚴酷

績斯奏乳虎與蒼鷹轉移庶幾驟我生子此邦頗知其

所狃地本瘠而貧人亦蠢不秀博進爲生涯私鹽轉販

售官亦姑容之民窮且寬宥固始與息縣疆界連錯繡

國朝詩鐸 卷十三 拾匪 三

固境有水利安靜襲仁壽息境溝渠漚饑寒遑恤後恆

產自來無恆心何處逗請用趙廣漢鉤距先賽竄再用

召信臣農桑繁其畜但教地澤腴勿慮民氣瘠患盜師

風草聖言理豈謬昔有陳茂才見之我方幼僮僕行市

中褰衣而博袖捨子聞其來藏刀不使觀或值爭奪時

一呵遂各走呼之曰先生相戒勿招詬
光穎交界之區
曰三河間爲捨子

皆敬而畏之曰彼讀書人也余幼時及見之
試思衆

豺狼何畏一學究天良本不死亟望使民富

棚民

麻棚謠 袁州民不藉麻率賃地與閩楚流人架棚
聚族立魁長陵轍土著曰麻棚吏不能禁

施閏章

山陬鬱鬱多白苧問誰種者閩與楚伐木作棚禦風雨
緣岡蔽谷成儔伍剝麻如山招估客一金坐致十石黍
此隰爾隰原爾原主人不種甘宴處客子聚族恣憑陵
主人膽落不敢語嗟彼遠人來樂土此邦之人為誰苦

黑丁行

龍郡僻在西塞石田多不墾豪民各招新
戶名曰黑丁與官丁別不稅不糧官亦不
得而治之嗑有民如此不為鳩聚亦長
吏之羞也作黑丁行悲賦役之未均焉

朱樟

太常亡角悲民流

崇禎間五音亡
角聲知流賊起

巴西十室九室愁萬

物吐氣在茲日大朝誰握司農籌按冊官丁什無二林

國朝詩鐸

卷十三

棚民客民

三

林黑丁億萬計黑丁在田不在官驅入豪家射其利只

今惟有單贏人家無擔石贖一身苗疏地瘠不得力縣

符羽促催租頻哮虎出林聲可畏一隸喧逐百家避里

胥橫索熱衣錢排管私償草鞵費樹皮不充口尺布難

縫衣不惜一身瘦願喂官馬肥此時方知黑丁樂日午

甯睡肩荆扉黑丁低眉對人說悉民一例何區別巴西

土滿有間田稗花徧野須牛力南陌西疇到處荒豪民

負耒皆生客主人需索緩於官秋分糶糴春償麥比隣

轉徙無一存我則劬勞有安邑蠹身傭保復何羞私喜

姓名脫縣籍吾聞招攜之政責有司哀鴻翔集留子遺

赤頭文吏主蟲孽。薤本搯擊強宗誰。桃僵李代遍飛洒。
無名之稅科毫釐。征苗納程迫於火。繪圖斂手徒鞭笞。
官丁有苦官不知。黑丁之樂姑言之。使君不聞一路哭。
下車請數逃租屋。

棚民謠

吳錫麒

古人受百畝。死徙無出鄉。食德服先疇。愛土心自臧。棚
民獨何爲。遠適天一方。短衣不掩胫。泥塗走傍徨。亂髮
垂兩肩。蓬葆吹飛揚。侏離多閩產。荒忽雜楚僮。冰霜陶
穴墜。風雨篔簹席。擋盤據山一角。苦瘠不苦荒。東岡蔣小
麥。西谷種雜糧。所幸賦稅逃。所恃膂力剛。其居如鹿豕。

國朝詩鐸

卷十三

棚民各民

五

其人卽牛羊。筋骨耐辛苦。性情實強梁。頗聞黔荆交來
往。羈苗疆。占籍號客戶。隨身齎空囊。淫淫毒霧間。慘慘
深箐傍。顯託結納。誠潛探肺腑。藏親密似兄弟。叛奐條
鬼偃作姦黨。胥吏挾詐欺公堂。嗶嗶訟牘與巧言。聽如
簧。官府持三尺。顛倒朱墨場。政未除害馬。風乃行貪狼。
從來經濟術。寬賴以猛匡。治苗弗去莠。厥疾藏膏肓。小
則憂鬪狠。大且患寇攘。屬爲民父母。豈不樂太康。焦頭
悔已晚。曲突謀母忘。

周凱春陵行見輿地門

麥客行

客十九籍甘肅。麥將熟結隊而至。肩一襍手一鎌。僱爲人刈麥。自同州而西安而鳳

翔漢中遂取道階成而歸歲既久至者益衆官吏懼有意外之擾頗邏察之不能禁也秦人呼爲麥

客云

吳振棫

連畦被隴麥欲黃麥客麥客來河湟從朝割麥逮曠黑
無田翻比田夫忙一村復一村一縣復一縣百里千里
兩腳徧姓名鄉貫誰細辨但喜今來傭直賤傭直賤奈
何人日受錢百村蔬甚肥村酒白持以供客客意適兒
能腰鎌婦亦健自有筋力胡愛惜未必家家多收十斛
麥何爲歲歲將錢輸麥客

棚民行

張鴻卓

層巒複嶂斷復續中有曠壤荆榛伏棚民紛集犁爲田

國朝詩鐸

卷十三

棚民客民

早

半栽蔗芋半蘆菔歷年深遠日漸多荒區佔作安樂窩
林深箐密事多秘燃犀莫照可奈何我思棚民均是中
原民落葉何不歸故根里胥火急逐不得鵲巢鳩據呼
其羣長吏張皇無策御山民地讓棚民佳吁嗟乎山民
謀生豈無處江上扁舟販鹽去

左道

箸包船紀事

王應奎

有船鏡其首以箸包裹之名爲箸包船聚泊疑茅茨浮
家無定所忽湖忽江涓居貨挾土產擅技兼卜醫中有
無良者行乞同殘黎詎料豺狼心所志竊童兒神咒與

餅餌給兒兒輒迷牽引至船中毒手恣所爲或爲瞞其
目或爲擺其肢或屈曲其體如籩籥戚施形骸幾變盡
父母居然疑清晨負之出索錢號九達夕仍負以入傾
倒囊中資數倘有不充攢刺加鞭管苟延此殘喘性命
危如絲有時更肆惡視彼軀幹肥入之人鮮饑飽噉若
舖糜吸兒腦與髓嚼兒肝與脾從此筋骨強便可耐刀
錐更聞藏秘器賣以療疔羸一七爲神膏索值恒不訾
淫人祈長生食之甘如飴又聞湖海濱茫洋有神祠神
曰抽筋姆此輩所皈依重午暨中秋廟門擗靈旗羣船
競祭賽以兒爲牲犧祭罷飲福酒狼藉幣與黻年來迭
國朝詩鐸

卷十三 左道

聖

敗露官長胥周知勿問所從來立斃陳其屍謂足抵兒
命此外無窮治不究其本根徒然翦旁枝官長法深刻
何獨偏仁慈其毒仍滋蔓其故難尋窺誰爲采風者聽
我歌此詩

按蘇州府志
亦載此詩

跛癱行

邑中兒年十一爲姦人誘去縛柱之踰年
成跛癱挈至近村索錢於市義士梁某廉
得其情繫鳴縣宰判人又上愬

大吏始盡殲其黨作跛癱行

陳廣遜

邑中有行乞挈兒隨所之轉徙渾不定舟居無茅茨動
思飽食壑來泊前溪瘡指兒爲已出稱疾不能醫號呼
徹蒼旻冀或哀烝黎旁觀問且難夙本誰家兒瞠視若
有省轉瞬仍昏迷飲恨江漢深欲訴無能爲箱挈其唇

口拘攣其體肢不必豪俠流見此皆好施居人不違詰
行客不致疑奇貨真可居厚利收中達此輩所由來殘
酷其天資百計給羣穉枯萃加箠笞踰時成廢人續命
無一絲同爲父母身瘠人求自肥朝灌以斗醋夕舖以
粥糜一身無完膚慘毒傷肝脾大則爲鼎鑊小則爲鍼
錐備歷諸楚酸不死卽疲羸烈士抱義憤卒見生嗔訾
霽顏導兒言噉以酥與飴兒訝夢初覺心圖歸祖祠盡
言告烈士涕泣思瞻依烈士髮上指振袂若揚旗縛凶
赴訟庭命同待烹犧胡爲執法者不肯暴其醜怨聲已
載道長官甯不知未洩羣兒冤痛哉泉下屍所賴上府
國朝詩錄

卷十三

左道

望

明冰鑑能窮治除凶旣務盡拔根仍芟枝從此郁落安
保赤徵仁慈爲惡無倖免天道儘堪窺卽事足垂戒用
賦跛癱詩

民變

毗入城行

趙執信

村毗終歲不入城入城怕逢縣令行行逢縣令猶自可
莫見當衙據案坐但聞坐處已驚魂何事喧轟來向村
銀鐺桎械從青蓋狼顧狐嗥怖殺人鞭笞撈掠慘不止
老幼家家血相視官私計盡生路無不如卻就城中死
一呼萬應齊揮拳胥隸奔散如飛煙可憐縣令竄何處

眼望高城不敢前。城中大官臨廣堂。頗知縣令出賑荒。
門外叱聲忽鼎沸。急傳溫語無張皇。城中酒濃餽飢好。
人人給錢買醉飽。醉飽爭趨縣令衙。撤扉毀閣如風掃。
縣令深宵匍匐歸。奴顏囚首銷凶威。詰朝叱去城中定。
大官咨嗟顧縣令。

沈德潛哀愚民篇見米穀門

記楚北奸民作亂會剿事

趙嘉程

楚民作妖慝。挾黨擾宜荆。發我秦豫卒。分以兩粵兵。堂
堂大帥旗制勝。有先聲。小醜敢跳梁。斯亂不足平。方今
全盛代。乃欲鷓鴣鳴。梟鳴煽奮數萬衆。縣邑爲屢傾。吁嗟良
國朝詩錄 卷十三 民變 聖
家子不自力。農耕邪說聽。未終禍患身。已嬰一逞蚩蚩
愚。遂傷無數生。首惡當萬死。萬死猶爲輕。顧爾良善民。
無庸心自驚。一旦劫消解。悠然豁宿醒。

弭亂

禦變詩

康熙二十七年六月余奉命撫江西舟次蕪湖聞楚北兵譁西江震恐急鼓棹入

南昌撫慰之益事未十日突有奸徒李美玉袁大相勾結楚逆以酉字帖授其黨將以詰朝謀不軌偵知奸謀乘夜計擒二元惡 宋 準
且卽懸首藁街餘黨悉散亂遂平

聖皇二十有七載。臣等奉命撫洪州。爰從茂苑歷建

業。溯流直泛長江舟。時丁盛暑南風發。江干晨夕阻石
尤忽聞鄂渚兵脫籍。倡亂一旦據上游。二十餘城倏陷

賊烽傳浦激驚眠，鷗殘黎絡繹蔽江下。船如蟻蝨排荒
洲，我禱馬當得風助。小孤彭郎無停留，泣事人心稍安
戢。詰戎籌餉綏四陬，孰知十日突生變。龜羆遠結封狼
謀，實惟六月之晦日。螳臂擬將大邦讎，須臾風鶴徧城
關。婦女奔竄聲咿啞，厥黨無算暗勾致。洵洵之勢未易
收，夜以計擒二巨慝。繫頸不異當檻猴，詰朝秉鉞正

國典。碧油幢下懸其頭，俄頃奸徒鳥獸散。十三郡始安
鋤，稷捷書一紙報。天子宵旰庶寬南顧憂，故人千秋

推作者。濡筆紀事昌黎儔，新建英猷詎敢望。銅梁取况

增之羞。或以張肖甫定浙亂相况沃民勿緩正，有事藥石語佩西園

國朝詩錄

卷十三

弭亂

四

劉

杭城鎗

鄭世元

杭州城門十日鎗守門將卒胄而甲十人執兵十人稽
一人來稽十人隨城中不知城外事城外訛言可三至
或云某日賊犯城或云昨夜獄有兵長官大吏急如狗
騎尉都司滿街走要知此輩乃盜耳不過市井無賴子
一才有司足以了何至張皇急如此。憶昔三孽憂我
君不啻大風掃浮雲治亂一如治亂絲廟堂 聖武爾
豈知

建甯紀事

汪沆

乾隆十三載王正十五日建甯七道橋驚傳羣盜發厥
名老官齋裏首判布帛五堂五渠魁附者密如蝨女巫
詭降神謂當百六厄揭竿走郡城驟比狂飈疾是日府
縣官張燈作元夕惜哉攔子軍三告耳如窒桓桓劉游
擊投履簡師出一戰戈倒奔再戰免罹畢俘獲滿罔圍
么膺伏斧鑕誰歟司民社養癰自貽戚除惡古貴盡順
昌事可休般鑿慎毋忘不見鄧茂七

題譚桂嶠明府平傀儡山賊記卷後

臺灣傀儡山賊倡黃教特

女番目冷冷勢屢欲爲亂會公令鳳臺威德並
行潛伏不敢動公任滿北上賊遂結冷冷侵擾
村寨當事撤公中道回溫諭冷冷使殺賊自效
冷冷遂誘賊入敏之以獻傀儡山平事備載記

國朝詩鐸

卷十三

弭亂

星

內公嗣君淪同官滇
中持示余因題卷後

蕭霖

德厚賊亦民德涼民亦賊蹈躄非不仁撫馭乖厥職懿
哉譚夫子秉心實淵塞雖慈不傷柔雖清不近刻風行
化庶頑見早消羣慝一朝離襁祿萬夫弄荆棘刀光照
海明篝火熏山黑僉曰已亂難非公孰爲力雨檄馳召
來免冠令相識諸番遮馬拜帖耳安反側恩深浹巾幗
計定驅鬼蜮渠魁已就駢羣社皆屏息歡聲徧八閩海
天現晴色公去賊勢騰公來賊烽熄去來只一身治亂
關一國告爾守土者爲政在有德

聽父老談商州丞事

名奕銓會稽人
事在康熙時

蕭掄

宦途功罪不足憑桐鄉戶祝情偏眞當時靖亂建奇績
至今人說商州丞丞嘗一攝州刺史恰直州中變方起
奸民草草謀揭竿不謂中有世家子公然作官稱本兵
軍主幢主各有名市中縫人素豪健喚作大將推主盟
云爲勝朝繼絕統卜者王郎堪惑衆又云聲援在海中
道覆盧循兵各擁老僧圓淨衆所宗作金有術誇神通
往來民間潛煽誘遠至滇蜀蠻陬中一朝虺蛇思逞毒
彼大將者私結束陰招外寇來翻城密約羣凶肆屠戮
丞方晏然如太平聞賊尅期四五更密令鼓吏緩其節
漏盡四下天微明賊因失期知事泄巨礮不鳴援亦絕
國朝詩鐸

卷十三

弭亂

異

渠魁橫刀一室中吏民莫敢先排闥丞來縛取如孤豚
盡燒名籍眞寬仁黨與牽連置不問止收四十有七人
世家子亦隨入獄法吏議之罪當族其族顯者中令君
乞恩 黼座猶敲觥幸被 溫旨赦不誅卻恕丞實披
根株陰喉大吏劾奏丞丞不受賞反削除猶坐餘累歸
不得貧向州中乞衣食縉紳避嫌絕餽遺獨有窮民能
報德我聞此語心煩寃竊怪中令何其偏若使紛紛果
起事君家門戶安能全幸丞定亂保鄉里戮一凶豎族
完矣謂宜子孫世感恩相報如何遺一矢燒城赤舌燄
莫當功狀誰敢言陳湯後來志乘亦失載獨有父老言

之詳君不見蒼蠅白壁易淆亂今古何嘗有定案京兆
尹失丞相歡當時已誅趙廣漢

附錄蘇州薛覲堂太守

煥

治奸民事

粵東奸究聚於吳會爲劫害民

前守令弗能治也薛君甫下車卽於八月十五夜羣奸酣飲之後率役會營出郭禽數百人天明返署請大吏臨郡堂會鞠得實者卽斬於郡庭吳人快之

張應昌

亂國宜重典鋤莠斯安良火烈勝水懦春露資秋霜酷吏不可學亂民亦宜防吳漢止赦令鄭產端刑章東海尹翁歸相州梁彥光救寬利用猛燕翼能虎張姑息與選愞壞法貽禍殃堪歎輿尸者失律凶否臧田禽弗克執涓流成汪洋基弁士驕悍巾幗將懦尪縱弛在一日

國朝詩鐸

卷十三

弭亂

聖

毒痛流四方咄爾海濱人鼓煽來潮陽狙獷性鮫鱈食

狠聲豺狼逃

粵匪爲粵民所逐而來分黨好鬪其

倬哉薛太

守英風振吳閩下車靖反側默坐安蕭牆佳節罷衙宴

中宵呼戎行似雪夕李愬似元夜武襄酒酣鬧鵝鴨繩

縛驅犬羊平明請大吏會鞠臨郡堂一一服其辜安用

羈桁楊速殺毋稽誅五步血濺裳橫尸積山岳懸首盈

中唐民悅大憝除權呼如雷礮百人斧鑕伏萬家衽席

康安民以智勇仁術原無傷靖國以果毅機事能獨當

五字兼仁嚴

岳忠武五字兵法

兩端濟柔剛將帥盡如

是奚患軍不揚

軍器補

日本刀歌

梁佩蘭

市中寶刀五尺許市中賈人向予語紅毛鬼子來大洋
此刀得自日本王使紅毛預齋戒三日授刀向刀拜
龍形虎視生氣驕抽出天上星搖搖黃蛇之珠嵌刀首
百寶刀環未曾有有時黑夜白照人殺人血漬紫繡新
陰晴不定刀氣色風雷閃怪吼牆壁相傳國王初鑄時
金生火尅合日期鑄成魍魎魍魎伏通國髑髏作人哭
人頭落地飛紙輕水光在水鋪欲平國王恃刀好戰仗
國朝詩錄

卷十三

軍器補

吳

苗刀歌

梁玉繩

白晝空中飛紫電寒芒閃閃雙睛眩何物驚人乃如是
苗刀出手新經見虎皮生剝縫作靶枯藤紉結當懸線
淬厲無須鵬鵠膏一葉青蘆光屢變陰晴不定若有神
不磨不鏽常如新傳觀已令毛髮立况敢橫腰插袴褶
見說苗民頑且驕不能殺人非人豪生兒競以鐵爲賀
鑄得寶刀如孟勞一年一度積精鍊教兒長大身邊操

橫揮直斫口不折朱砂模糊沁人血吁嗟苗性胡不馴
刀用殺人還殺身 皇王有道化無外勸爾擲刀爲良
民。嗚呼勸爾擲刀爲良民。

前題

梁履繩

苗人生兒饋精鐵鐵多鐵少厚薄別深埋土中積鏽黃
一歲一鍊成銛鋼苗童行年十六七鍊數已與齒相匹
安排爐鞴鑄寶刀牛革爲室筋爲條寒芒閃閃白于練
拔鞘傳觀射人面刀首鏤錯裝金環生漆塗柄纏麻菅
屈伸如意光四照忽向手中作長嘯積薪數束尺許高
揮時齊斷同吹毛鳴聲錚錚示餘勇鋒銳不頓價增重
國朝詩錄 卷十三 軍器補 吳

苗人愛刀不去身腰間屢躍如有神睚眦之怨必報復
白日相讎誓盡戮人血漬處紫繡生晝夜不定刀光明
吁嗟苗人毋嗜殺兵者凶器慎勿跋勸爾賣刀買耕牛
耕徧荒山爲田疇。

招勇將軍寶刀歌

朱彭

秋河閃閃明星高當天拔鞘天爲搖鯨鯢可斷鐵可截
瞥見百鍊將軍刀將軍起家備宿衛八尺身長氣精銳
引滿時彎玉靶弓騰空獨縱金絲轡龍鱗袋貯呂虔刀
獨立昂藏一戎帥憶昔旌麾駐九溪跳梁矧狔喧鼓鼙
青布纏髻身裹皮短刀林立利若犀懸崖絕壁紛攀躋

綿互山谷聯東西狼烟冲天鳥不集將軍提刀竟深入
一片刀光電影飛鹿駭猿奔盡驚逸五寨居然一日平
報捷軍門抑何疾南山大箐賊尙屯將軍間道披荆榛
墮阮傷足不暇捫直擣巢穴清餘氛生擒俘虜幾千輩
苗欲祈生向刀拜將軍殺叛不殺降那忍株連同拔薤
後車捆載獲芻糧勁卒搜羅陳器械笳鼓喧闐奏凱還
鐃歌作罷真雄快餘苗歸洞荷生成謀建生祠奠醪醴
歌呼跳月醉蘆酒五十餘年慶太平近聞騷動辰州旁
出洞剽掠還遠颺嗚呼安得再生將軍鎮苗疆賣刀買
牛歌樂康

國朝詩錄

卷十二

軍器補

辛

懷遠補

題土番款塞圖

爲性亭制府題

吳省欽

西北曰塞蕃部稠四衛拉特枰畫楸土爾扈特最荒賈
未奉冠帶祠春秋悉率醜類避崑嶽牧場水草行相求
我皇拓地越葱嶺準回種類頌共球萬亭障外怨遺
已渡額濟勒輕若泐生身熟身戶三萬革履辮髮詞咄
嚙畏威懷惠敏關吏會直秋令循軀腰紫絲韁轡迓
天寵親親殺虎神鎗培宗乘廟前禮銅殿旋騎 特許
經邊郵佩印編旗校丁衆頒朔讀法安田疇於濶布多
聚屯厥黃羊紫鼠馳馬牛我臣悉臣主悉主蒙古族盡

歸覆幬公時麾節鎮戎索頓置屏屢儲芻餼遠攜小隊
問疾苦要使絕域知懷柔諸蕃焵然遠牙帳進止鞠脆
寵排頭爾曾祖某爾祖某爾昆弟某嘗招尤某山某水
某夷險館埃食宿如經由驚呼賦汗手加額公神人也
誠斯投各以其職歲來覲陪臣義敢忘干掇是年鄙人
使西粵忝視典冊封其酋鼎鐘爲述祖德遠綸綉敢貽
王言羞封沙拉扣肯郡王舍榜
貝子冊文皆省欽擬撰我公圖此紀行役丹青
王會交弼彪錦江展對愜春色懷古坐歎籌邊樓滴博
蓬婆彈丸耳宵旰幾載勤咨諏王師掃巢事俄頃
拜釐圭鬯光揚休

國朝詩鐸

卷十三

懷遠補

五

會匪補

除域行 紀百制使除邪教也

吳錫麒

紫金山上營門開隆隆鼙鼓聲如雷鳳凰麒麟有時出
怪民奇服何來哉林深路隔行人絕狐鬼跳跟爭窟穴
迷離身是逆毛鷓造作神姦那堪說畢遭鳴嗚星出高
使者手操蒼水縑飛光搖空快刀斫永夜但聽長風號
驅除信荷神靈意正直要爲天下計人痾例入五行書
殷鑒宜懲妖異志英姿颯爽凌清秋餘霾盪入空江流
治絲有道亂者斬日寒老魅啼啾啾世間所仗倚天手
橫海長鯨亦安有一曲聽歌海上謠肘上甯辭印如斗

公先以平海奏績翁歸久擅文武名伏波又報側貳平靈談鬼

笑爾何物竈上豈足勞經營驂騑開道行千里金支翠
蕤光尺咫眼看窳窳靖 堯年一夕功成慰 天子

弭亂補

題王遂樓太守

朝恩

田家集穢渠圖

丁繁培

沂州刺史瑯琊王起家州判始太行宦途卅載多樹立
豐功首數誅白羊白羊渠魁張建木野心狼子嗜屠戮
生平殺人難悉數到處郊原聞鬼哭厥墻馬朝棟狡焉
一巨寇聚黨田家集

鉅野縣境

與張實左右從來先發能制

國朝詩錄

卷十二

弭亂補

五

人刺史用兵捷若神下令捕賊掃賊穴縛賊不異縛豕
豚兩姦授首遺孽竄四面網張足妙算擒賊之黨併賊
妻忍令賊兵重兆亂長垣曹滑俱被屠定陶赤子爲賊
俘鉅野一城屹不動保全端賴王大夫封章入奏 天
顏喜詔書特下誇不已拔自縣令官治中三載高遷至
刺史蒼生額手呼兪兪微公民盡落虎牙寫公入畫誌
公德公恩不下恒河沙我撫丹青二歎息斯人已王遮
須國丈夫功立身可仆公有大名垂宇宙

島夷補

感事

朱琦

鴉菸入中國爾來百餘歲粵人競啖吸流毒被遠邇通
參軫民害讜言進封匭吏議爲條目罪以大辟擬粵東
地瀕海番商萃奸宄天使布威德陳兵肅幢檠宣言我
大邦此物永禁止獻者給茶幣一炬付烈燬積蠹快頓
革狡謀竟潛啟飛帆擾閩越百口騰謗毀致豐誠有由
功罪要足抵直督時入覲便喋伺微指節鉞遽更代蠻
疆重責委豈料堅主和無復識 國體擅割香港地要
盟受欺給况聞浙以東凶烽陷定海焚掠爲一空腥臊
國朝詩鐸

卷十三

島夷補

七

未渝洗虎鹿復逼近鎖鑰失堅壘總戎關天培隻身捍
賊死開門盜誰揖一誤那可悔五管嗟繹騷征調無暇
晷 至尊勞旰食軍書屢 黼展機幄時容對震懼但
諾唯天討終必伸整旅奮尺箠冠軍伊何人驅幹頗傑
偉驍銳五千騎索倫十萬矢庶往麾天戈一舉盪溟渤
義律何能爲勾結餌羣匪所恃惟巨礮以外無長技常
侯昔決戰摧鋒氣披靡餘艘坐飢困如魚游釜底阻隘
斷其歸彼虜無完理惜哉失此機奔突縱犬豕大帥殊
畏懦高牙擁欽義兵驕或食人傳聞何詭詭哀哀老尚
書遺奏殊噓唏上言海氛惡下言病積痞鍼砭輒乖謬

盤戾入肌髓艱難正須才孤憤亦徒爾猶憶二月初番
舶據沙觜黑夜突憑城舉火縱葭樓堞幸少完室廬
剩荆杞附郭尤慘悽蹂躪其餘幾可憐寶玉鄉瓦礫積
碗礫回思承平時海南誇麗侈巨舶通重洋珍貨聚寶
賄笙歌徹夜喧紅燈照江水豈知罹烽燹園宅倏遷徙
竄身榛莽叢流離迫凍餒盛衰有循環天道詎終否比
聞夷務輯橐弓佇旋凱虜驕愁反覆私憂切桑梓昨覽
檄夷書疾聲恣醜詆忠義固在民苟祿亦可恥古人重
召募鄉團良足倚剿撫苟協宜猖獗胡至此我朝况
全盛幅員二萬里島夷至么臍滄海渺梯米廟堂肯用
國朝詩鐸

卷十三

鳥夷補

語

兵終當掃穢秕微臣憤所切陳義愧青史蒼茫望嶺嶠
撫劍獨流涕

此篇先從林昌彝詩話錄刻後以怡志堂稿校各有增刪自汪老尚書謂隆參贊文

有感

張鴻基

路隔中原萬里遙是誰開館納鴟鴞蠻奴有餅皆稱佛
商舶無煙不吐妖尺土豈容輕假借多金祇買禍根苗
重臣幾輩閒持節未上籌邊議一條

自某督聽英夷設立夷館借與粵東

馬頭內地烏煙遂充斥

抗疏拚將積弊除漏卮欲塞竟何如夷吾死後誰籌海
賈誼生平此上書天以人多開殺運民緣業少失安居
閉關就使交能絕已是殘棋被劫初

斗大孤城倚夕陽。舶來猶是認通商。早知橫海兵能渡，
可惜嚴關備未張。頡利處心非旦夕，俟埋骨竟沙場。
紙鳶信斷重圍急，大帥巡秋正出洋。

望斷經年報捷旂。舟山依舊陣雲飛。一城烈火轟銅礮，
萬帳寒風擁鐵衣。見說用兵機貴密，敢云扼險計全非。
恠他幕府偏無事，閒寫劉娘玉貌肥。

消息傳來總未真。眉梢憂喜雜頻頻。挺身赴國今何日，
藉口和戎古有人。風鶴警猶傳粵海，水犀軍復合天津。
寶刀不飲樓蘭血，多少英雄願未伸。

又鴻基讀史有感。摘句英雄效死偏無地上相。籌邊別有才竟爾和戎。曾地割是誰揖盜。又門開議戰議國朝詩錄。

和紛不定。岳韓忠勇。竟何成狂寇。稱兵猶跋扈。平章謀國是調停。

有感

周瀛暹

太息耶穌妄說天。毀儒誣佛謫神仙。世無原道昌黎子，
誰挽狂瀾障百川。

臺江七日教堂前。白鬼紅毛禮拜虔。蠢蠢小民紛聽講，
祇緣賺得杖頭錢。

三元里歌

按此篇蓋指辛丑歲廣州鄉民禦夷寇事。

張維屏

三元里前聲若雷。千眾萬眾同時來。因義生憤憤生勇，
鄉民合力強徒摧。家室田廬須保衛，不待鼓聲羣作氣。
婦女齊心亦健兒。犁鋤在手皆兵器。鄉分遠近旗斑斕。

什隊百隊沿溪山泉夷相視忽變色黑旗死仗難生還
夷打死仗則用黑旗迤有執神廟
七星旗者夷驚曰打死仗者至矣夷兵所恃惟鎗礮人
心合處天心到晴空驟雨忽傾盆兇夷無所施其暴豈
特火器無所施夷足不慣行滑泥下者口陞苦躑躅高
者岡阜愁顛擠中有夷酋貌尤醜象皮作甲裹身厚一
戈已椿長狄喉十日猶懸郵支首紛然欲遁殲渠易忽
開巨網攸然逝秦人慷慨賦同仇晉臣且作和戎議

會匪補句

張南山聽松廬詩話粵西黎建三詩云悍民始一
二歲久因為奸冤窟錯犬牙烏合互相連謂謂將
不塞浩浩成狂瀾此殆有慨於除莠之難耶今之
會匪莫知其數謂謂不塞其患非細思患豫防所
望當事者
熟籌之

國朝詩錄

卷十三

烏夷補

奕

